

# El Apocalipsis

---

## Juan ï cáirojũ Jesucristo ï gotire gaye

**1** <sup>1</sup>Adi papera tuti ija yoari mejeti rētaroti gaye gotia. Iti oca Jesucristo ï masiroca Dios ï yire ña. Ito bajiro yiñi Dios, mani Jesucristore moa ïsirã, “Ito bajiro rētaro yiroja”, mani yi tũoĩa masitoni. Yũ ña Juan adi papera ucagũ. “Ado bajiro baja yireoni ña mũ canibetoti cãiri bajiro mũre godo weore”, yũre yi gotirocũ ángel yũ tũ cõañi Jesucristo. <sup>2</sup>Yũ tigore, yũ tuogore cũni riojo uca yũ adire. Iti ña Dios oca yũ masiroca Jesucristo ï yire.

<sup>3</sup>Noa adi papera tuti tirãti wanũrã yirãji. Adi oca ija rētaroti gaye tuocõri, wanũrã yirãji. Dios oca ña iti. Iti gaye oca rētaroti cõña wajũ. Ito bajiri noa adi ucare gaye tuorũnrã, wanũ quenarã yirãji.

## Jua ãmojeno masa Jesure tuorũnrãre Juan ï ucare gaye

<sup>4</sup>Yũ Juan adi papera mũare cõa yũ. Mũa ña Asia sitajũ jua ãmojeno cutori gãna Jesucristore tuorũnrã. Queno yijaro Dios mũare. Ito yicõri mũa ya usiju sajari oca cutiroca yijaro Dios. Dios ñami iti rãmũ gagũ, adocãta gagũ, ito yicõri ija ñatĩnarocũ. Ija adi sitajũ tũdi ejagũ yiguĩji ï. Dios ï rotiri cumuro riojo ñaguĩji Espĩritu Santo. Jua ãmojeno usi cutigũ ñari jeyaro masigũ ñami. Ìna sũoriti mũare queno yijaro Dios. <sup>5</sup>Jesucristo cũni mũare queno yijaro. Ì ñami ï tigore riojo gotigũ. Ito yicõri ï ñami godabojaguti mũcana tũdi catitĩnarocũ. Gãjerãma ï riojua godabojarãti tũdi catitĩnare gaye boca ãmibisjarã ña. Ì ñami adi sita gãna ujarãre roti masigũ. Manire ti maigũ ñami Cristo. Ito bajiri godacõri ï ya rĩna mani ñeñaro yirisere waja yi ïsiñi ï. <sup>6</sup>Mani ïre tuorũnrãre Dios ñarã mani ñaroca yiñi Cristo. Ito yicõri paia robo ï Jacũ Diore mani moa ïsiroca yiñi Cristo. Ìre rũcũbuotĩnarũja manire. Ì ñami rētoro roti masigũ. Ito bajiroti ñatĩnajarõ ï.

<sup>7</sup>Ide bueri rãca wadigũ yiguĩji Cristo. Ito bajiri masa jeyaro ïre ti jedirã yirãji. Ito yicõri ïre cami meniana cũni tirã yirãji ïre. Ìre ticõri jeyaro adi sita gãna otirã yirãji. Ito bajiroti bajiro yiroja, ya yũ mũare.

<sup>8</sup>Rētoro sēogũ ñami mani Ujũ Dios. Ado bajiro gotiami. Tũote mũa: “A wame ñasũorise, ito yicõri Z wame ñasũsarise robo bajiro bajigũ ña yũ. Yũ ña ñatĩnagũ. Yũna sũoriti jeyaro ñasũoyija. Ito yicõri yũna sũoriti

jeyaro ñasusaro yiroja”, yi gotiami Dios. Ñ ñami iti rumu gagu, adocata gagu, ito yicori ija natinarcu. Ija adi sitaju tudi ejagu yiguiji i.

### Ñ cãiroju Juan i tire gaye

<sup>9</sup>Yu Juan, mua rãca Jesucristore masigũ ña yu cuni. Ito bajiri sigũ rãa bajiro bajirã ña mani. Muare bajiroti tóbujã yu cuni. Masa muare ña ti tudiro bajiroti ti tudiana yure cuni. Manire ito bajiro ña yibojarocati mani ñemecutiroca yami Jesucristo. Ito bajiri co rumu Dios i rotiroju mua rãca wanugũ yigujã yu cuni. Patmos wame cutiri yogaju coji tubia ecocu yu. Dios oca yu riasojare ito yicori Jesucristo gaye yu busijare yure tubiacã ña. <sup>10</sup>Tujacãra rumu Diore yu rucubno ñaroca yu canibetoti cãiri bajiro yure iti godo weoroca yiqui Espiritu Santo. Yu judojua oca seorise iti ruyuja, tuocu yu. Trompeta jutiado bajiro ruyucu. <sup>11</sup>Ado bajiro ruyucu iti:

—Adocata mu tirise papera tutijã ucaya. Iti ucacori Asia sita gãna Cristore tuorunurãre cõama. Ña ñama jua ãmojeno cutori gãna. Ado bajiro wame cutia ña cutori: Efeso, Esmirna, Pãrgamo, Tiatira, Sardis, Filadelfia ito yicori Laodicea wame cutiri cutori ña ña cutori, yire oca ruyucu yu tuoja.

<sup>12</sup>“¿Ñimũ yure busiati?” yirocu juda rãgãcu yu, ñre tirocu. Juda tiguju jua ãmojeno jeobusuora tuturi ticu yu. Orona ña menira tuturi ñacu iti. <sup>13</sup>Iti jeobusuora tuturi wato sigũ ñmugũ ticu yu. Masa Rijora robo bajiro bajigu ñaquĩ i yu tija. Coro yutabuju yoaro i ya gubo tigãju susaro sãñaquĩ i. I ya wãnura wiro oro gaye ñacu. I ya usi riojocõ eyari wiro ñacu iti wiro. <sup>14</sup>I ya rijoga joa botirise ñacu. Oveja joa robo bajiro, ito yicori ide buerise robo bajiro boti ruyucu. I ya cajeari jea ñjurise robo bajiro bajicu. <sup>15</sup>I ya gubori buto yocu. Bronce wame cutirise robo bajiro jeameju soecori ña gosioado bajiro yocu iti. I busija riaca buto ñmayurisa robo bajiro ruyucu. <sup>16</sup>I ya ãmo riojocaduja jua ãmojeno ñocõa rucocuĩ i. I ya riseju sarera jãi, jua dũja odiri jãi budicu. I ya rio ñmacañi queno i asiro robo bajiro yo ruyucu.

<sup>17</sup>Ñre ticori i tu cõ quedicu yu. Ito bajiro yu bajibojarocati i ya ãmo riojocaduja yure moa jeocuĩ. Ito yicori ado bajiro yure yiqui i:

—Gũibesã. Yu ña natinãgũ. Yuna suoriti jeyaro ñasuo yija. Ito yicori yuna suoriti jeyaro ñasusaro yiroja. <sup>18</sup>Yu ña catitinãgũ. Godabojaguti tudi caticu yu. Mucana juaji godare ma yure. Godarãre mucana tudi ña catiroca yi masigũ ña yu. Godari masa ña ñaroju jana sãjado rucogu ña yu. Ito bajiri jeame ñjuroju waboanare maso masia yu, yiqui Masa Rijora yu cãiroju.

<sup>19</sup>Mucana gaje ado bajiro gotiqui i:

—Adocata mu tirise ucaya. Adocata gaye, ija ñaroti gaye cuni ucaya. <sup>20</sup>Yu ya riojocaduja jua ãmojeno ñocõa mu tirã ado bajiro yireoni ña. Ña ñama jua ãmojeno cutori gãna yure tuorunurãre ñmatã ñarã. Jua ãmojeno jeobusuora tuturi mu tirise ado bajiro yireoni ña. Ña ñama jua ãmojeno cutori gãna yure tuorunurã, yiqui yu cãiroju yure goaicacu.

## Efeso gånare oca cõare gaye

**2** <sup>1</sup> Mucana yu cãiroju ado bajiro gotiquí:  
 —Efeso gånã Diore tuorũnurãre ũmatã ñagũre ado bajiro ucaya: “Jua ãmojeno jeobusuora tuturi wato ñagũ, ĩ ya ãmo riojocaduja jua ãmojeno ñocõa rucogu ĩ busire gotirocu adi muare uca yu. Ado bajiro muare gotiami ĩ:  
<sup>2</sup> Jeyaro mua yirise masia yu. Josari mua moarisere masia yu. Usirioro yimena ña mua. Ñeñaro yirãre ti wanubea mua. ‘Gua ña Jesucristo ĩ oca gotitoni ĩ cũana’, yibojarãre, ti masiana ña mua. ‘Riti Jesús ĩ cũana meje ñama. Socari masa ñama’, yi ti masirã ña mua ĩja. <sup>3</sup> Yũre tuoĩarã, tujare mejeti moayija mua. Yũre mua tuorũnuja ticõri, mua tõbujaroca yama gãjerã. ‘Yu tõbujaja cuni, Jesucristore jidicãbicuja yu’, yi tuoĩarã ña mua, yi tuoĩa masia yu muare. <sup>4</sup> Ito bajibojarocati muare queno ti wanubea yu maji. Cajero yũre masisũorã mua maicato bajiro yũre maibea mua ĩja. <sup>5</sup> Ito bajiri yũre mua masisũocatire tũdi tuoĩacõri, ñeñaro mua yirise jidicãña. Cajero yũre mua cudicato bajiro ti yia mucana. Ito bajiro mua yibeja yuari mejeti muare waja senigũ ejagu yiguja yu. Ñeñaro mua yirisere mua jidicãbeja mua ya jeobusuora tutu emagũ yiguja yu. <sup>6</sup> Coji gaye queno ya mua yu tija. Nicolaítas cuto gånã ñeñaro ña yirisere ti tea mua. Yu cuni ña ñeñaro yirisere ti tea. <sup>7</sup> No gãmo goje cutirã tuoia. Diore tuorũnurãre ado bajiro gotiami Espĩritu Santo: ‘Noa ña ñeñaro yirisere jidicãrã ña ñama rũmũa ujure rãtocũrã. Ito bajiri catitĩnaragu rica ñare ecagu yiguja yu. Dios ya wese quenari wese gudareco ñaroja itigu’, yi gotiami Espĩritu Santo”, yi ucaya mu, yi gotiquí yu cãiroju yũre goaĩocacu.

## Esmirna gånare oca cõare gaye

<sup>8</sup> Gaje ado bajiro gotiquí yũre yu cãiroju:  
 —Esmirna gånã Diore tuorũnurãre ũmatã ñagũre ado bajiro ucaya:  
 “Ñasũogu, ñasusagu, ito yicõri godabojaguti mucana tũdi catiru ĩ busire gotirocu adi muare uca yu. Ado bajiro muare gotiami: <sup>9</sup> Najediro muare rãtarise masia yu. ‘Yũre mua tuorũnuja ticõri, mua tõbujaroca yama gãjerã’, yi tuoĩa masia yu muare. Bojoro mua bujaja, ti masia yu. Ito bajibojarãti Dios gayere queno masirã ña mua. Ito bajiri queno rucorã ña mua. Ne ruyabea muare. ‘Judio masa, Dios rĩa ña gua’, yibojarãre, muare ña busituja tuoia yu. Dios rĩa meje ñama ña. Rũmũa uju, Satanás rĩa ñama ña, ya yu. <sup>10</sup> Mua tõbujaroti gayere tuoĩa giũbesa. Mua rãca ñagũ yiguja yu. Muare usirio codegu yiguĩji rũmũa uju. ‘Diore ña jidicãja ticuja yu’, yirocu ado bajiro muare usirio codegu yiguĩji ĩ. Mua coriarãre gãjerã ña tubiaroca yigu yiguĩji ĩ. Ito bajiri jua dũjamocõ umuari tõbujarã yirãji mua. Mua godarã wana yija cuni, yũre jidicãbeja. Ito mua yija, catitĩñare muare ĩsigũ yiguja yu iti waja. <sup>11</sup> No gãmo goje cutirã tuoia. Diore tuorũnurãre ado bajiro gotiami Espĩritu Santo: ‘Noa ña ñeñaro yirise jidicãrã ña ñama rũmũa ujure rãtocũrã. Ito bajiri jeame ujuroju tõbujã godamena yirãji ña’, yi gotiami Espĩritu Santo muare”, yi ucaya, yiquí yũre yu cãiroju.

### Pérgamo gånare oca cõare gaye

<sup>12</sup> Gaje mucana ado bajiro gotiquí i yu cáiroju:

—Pérgamo gāna Diore tuorūnurāre ūmatā ñagūre ado bajiro ucaya: “Sarera jāi jua dūja odiri jāi rucogu, i busire gotirocu adi muare uca yu: <sup>13</sup> Jeyaro mua yirise masia yu. Rūmúa ūju Satanás i rotiri cutoju ñaboja mua. I rotibojarocati ĩre tuorūnubea mua. Yure tuorūnurā ñari, yure tuorūnu jidicārā meje ña mua. Ito gāna Satanásre cudirā ñari, Antipas wame cutigure siañi ĩna. I ñabojaquí, ‘Diore mani tuorūnuja quena’, yure yi ejabuabojacacu. ĩre ĩna siaja bero ñabojarocati yure tuorūnu jidicābea mua’, ya yu muare. <sup>14</sup> Ito bajibojarocati muare queno ti wanubea yu maji. Mua Pérgamo gāna coriarā, Balaam i riasorisere jidicā āmobeama. I ñami Balacre ado bajiro riasoru: ĩnamasi meni rujeoanare bare ecabojare gaye mua Israel sita gāna baja quena. Gājerā romia rāca mua aje ñaja quena ña’, yi riasoñi Balaam. ‘Mua wato coriarā ñama i riasorisere jidicā āmomena’, yi tuoia yu muare. <sup>15</sup> Mua wato coriarā ñama Nicolaítas cuto gāna ñeñaro ĩna riasorisere jidicā āmomena. ĩna riasorisere buto ti tea yu. <sup>16</sup> Ito bajiri mua ñeñaro yirise jidicāña. Mua ñeñaro yirise mua jidicābeja muare waja senigū yigūja yu. Ito yicōri yoari mejeti yu ya riseju ñari jāi sarera jāina quenabeto mua tōbujaroca yigu yigūja yu. <sup>17</sup> No gāmo goje cutirā tuoia. Diore tuorūnurāre ado bajiro gotiami Espiritu Santo: ‘Noa ĩna ñeñaro yirisere jidicārā ĩna ñama rūmúa ūjure rētoçurā. Ito bajiro yirāre manā wame cutirise bare ĩnare ecagu yigūja yu. Iti ña ūmacūju gaye tiyamani bare. Gaje gūtagā botirica ĩnare ĩsigū yigūja yu. Itiga gūtagāju mame ucare wāñaro yiroja. Itiga gūtagāre boca āmirā riti itiga wāñarise masirā yirāji’, yi gotiami Espiritu Santo”, yi ucaya mu, yi gotiquí yu cáiroju yure goaioçacu.

### Tiatira gånare oca cõare gaye

<sup>18</sup> Gaje mucana ado bajiro gotiquí yu cáiroju:

—Tiatira gāna Diore tuorūnurāre ūmatā ñagūre ado bajiro ucaya: “Dios Macu i ya cajeari jea ūjurise robo bajiro bajigu, ito yicōri bronze wame cutirise buto yorise robo bajiro gubo cutigu ado bajiro muare gotiami: <sup>19</sup> Jeyaro mua yirisere masia yu. ‘Masare ti mairā ñama ĩna’, yi tuoia yu muare. ‘Yure tuorūnurā ñama ĩna’, yi tuoia yu muare. Gājerāre yiari mua ejabuarise queno masia yu. Yure mua tuorūnuja ticōri, mua tōbujaroca yama gājerā. Ito bajiro ĩna yibojarocati yure tuorūnuñacōa mua. ‘Cajero yure ĩna masisuocato rētoro queno ejabuama’, ya yu muare. <sup>20</sup> Ito bajibojarocati muare queno ti wanubea yu maji. Mua tu gago Jezabel wame cutigo ñeñaro iso busija ticōa mua. Ado bajiro ruore oca busiamo iso: ‘Diore yiari busia yu. Gājerā romia rāca mua aje ñaja, no yibea. Masa ĩnamasiti meni rujeoanare bare ĩna ecare mua baja, no yibea’, yire oca goti ruoamo iso. Ito bajiro iso yija tuocōri, yure moa ĩsiri masa tuo wisama ĩja. <sup>21</sup> Ñeñaro iso yirise jidicājaro yirocu, yoari yuboja yu. Ito bajibojarocati jidicā āmobeamo iso. Ūmua rāca ñeñaro iso yirise cūni jidicā āmobeamo iso. <sup>22</sup> Ito bajiro iso yijare iso cō cūñaroca yigu yigūja yu. Iso rāca aje ñarāre cūni ĩna cōroca yigu yigūja yu. ĩna robo bajiro yi ūyacōri

itire mua jidicābeja, muare cuni mua tōbujaroca yicuja yu. <sup>23</sup>Iso rīare sīagū yiguja yu. Ito bajiro yu yija ticōri, yu masirisere tirā yirāji mua. ‘Mani tūoīarise, mani ya usijuna mani yi āmorise cuni ti masi jeoami Dios. Ito yicōri mani ñeñaro yiro bajiroti manire waja senigū yiguji’, yi tūoīa masirā yirāji mua ija. <sup>24</sup>Mua Tiatira gāna jājarā ña iso riasorisere tuorūnūmena. ‘Adi ña Satanás oca ñasarise, gājerā ña tūoīabiti ña iti’, ña yibojaja cuni itire tuorūnūbea mua. Ito bajiri, ‘Diore queno tuorūnūrā ñama ña’, yicōri muare josabicuja yu ija. <sup>25</sup>Ado bajiro riti muare rotia yu. Yu muare busirisere tūoīa jidicābeja. Yu ejarocōjuti itire tūoīa jidicābeja. <sup>26</sup>Ña ñeñaro yirisere jidicārā ña ñama rūmūa ujure rētocūrā. Noa susariju yu āmoro bajiro yi jidicāmena gājerāre ña roti masiroca yigu yiguja yu. <sup>27</sup>Yu roti masiroca yu Jacu yure i yiado bajiroti muare yigu yiguja yu. Ito bajiri Dios i cūana ñari sēoro rotirā yirāji mua. Ito yicōri come mana riri soturi jawado robo bajiro cudimenare ruyuriorā yirāji mua. <sup>28</sup>Muare busuri ñocōgā isigū yiguja yu. <sup>29</sup>No gāmo goje cutirā tūoya. Adi ña Diore tuorūnūrāre Espiritu Santo i gotire”, yi ucaya mū, yiqui yu cāiroju yure goaīocacu.

### Sardis gānare oca cōare gaye

**3** <sup>1</sup>Gaje ado bajiro gotiqui yu cāiroju:  
 —Sardis gāna Diore tuorūnūrāre ūmatā ñagūre ado bajiro ucaya: “Jua āmojeno usi cutigu, ito yicōri jua āmojeno ñocōa rucogu ado bajiro gotiami: Jeyaro mua yirise masia yu. ‘Diore queno cudirā ñama’, yi tūoīabojama gājerā muare. Yuama godacāna robo bajiro muare tia. Yure queno cudirā meje ña mua. <sup>2</sup>Yu tija yu ocare mua cudibeja, godana robo bajiro bajirā ña mua. Canirā robo bajiro bajirā ña mua. Yujiya mua. Yu tija yure tuorūnū jidicārā ya mua. Ito bajiri, ire jidicāme yirona, buto busa yure tuorūnūña. Yu tija, Dios i āmoro bajiro queno yisabea mua. <sup>3</sup>Cajero mua riasotigore mucana tudi tūoīañā mua. Itire tuorūnūcōri, mua ñeñaro yirise jidicāña. Ito bajiro mua yibeja, riniri masu robo bajiro, ‘Itocō ejagu yiguji’, mua yi masibeto, mua tu ejagu yiguja yu. Ito yicōri muare waja senigū yiguja yu. <sup>4</sup>Mua Sardis gāna coriarā buto ñeñarise yibeja mua. Ito bajiri mua ya yutabujuri űeri wōña mana robo bajiro bajia mua. Ito bajiri muare waja yigu yutabuju botirise sānarā yu rāca mua ñaroca yigu yiguja yu. <sup>5</sup>Noa ña ñeñaro yirisere jidicārā ña ñama rūmūa ujure rētocūrā. Ito bajiro yirāre yutabuju botirise ña sānaroca yigu yiguja yu. ‘Adocō ñama catitūnare rucorona’, yire gaye papera tuti ña wame coebicu yiguja yu. Ito yicōri yu Jacu i tiro riojo, ‘Ana ñama yu ñarā’, yigu yiguja yu. Angel mesa tiro riojo cuni ito bajiroti yigu yiguja yu. <sup>6</sup>No gāmo goje cutirā tūoya. Adi ña Diore tuorūnūrāre Espiritu Santo i gotire”, yi ucaya, yiqui yure yu cāiroju.

### Filadelfia gānare oca cōare gaye

<sup>7</sup>Gaje ado bajiro gotiqui yu cāiroju:  
 —Filadelfia gāna Diore tuorūnūrāre ūmatā ñagūre ado bajiro ucaya: “Ado bajiro gotiami ñeñaro yiābicu, ito yicōri riojo gotigu. I ñami David ñayoru

ɁɁu robo bajiro roti masigũ. Buto roti masigũ ĩ ñajare soje ĩ janaja, ñimujua gãji bia masibiquiji. Soje ĩ bajia cuni, ñimujua gãji iti sojere jana masibiquiji. Ado bajiro gotiami: <sup>8</sup>Jeyaro mua yirise masia yu. Queno s̄orã meje ña mua. Ito bajibojarocati yu ocare queno cudiã amoboja mua. Ito yicõri, 'Jesure masibea gua', yibea mua. 'Jesure tuorũnurã ña gua', ya mua. Ito bajiro mua yijare, queno muare ejabuagu yiguja yu. Muare yiarı soje jana ısicu yu. Ñimujua iti sojere biabiquiji. <sup>9</sup>Ado bajiro yu busirise queno tuoya. Mua wato coriarã ñama rũmua ɁɁu Satanásre tuorũnu s̄yarã. 'Judio masa ña gua. Dios ñarã ña gua', yibojama ña. Bajibea, rũmua ɁɁu ñarã ñama ña. Mua riojo ña ya rijomunigãna ñini rjũ rotigu yiguja yu. 'İna ñama Dios ĩ mairã', muare ña yiroca yigu yiguja yu. <sup>10</sup>'Yure mua tuorũnuja ticõri, mua tõbujaroca gãjerã yibojarocati yure tuorũntĩñacõa mua', yu rotiado bajiroti queno cudiã mua. Co rũmũ ejaro yiroja adi sita gãna ña tõbujaroti rũmũ. Gãjerãre usirioro yimenati yure cudirã mua ñajare, iti rũmũ iti ejaroca muare codegu yiguja yu. <sup>11</sup>Masima, yoari mejeti ejaɁu yiguja yu. Yure mua cudirise t̄oĩa jidicãbeja. Ito bajiro mua yija, ñimujua mua muja waroto camota masibiquiji. <sup>12</sup>No ña ñeñaro yirise jidicãrã ña ñama rũmua ɁɁure r̄etocũrã. Yu Jacu Dios ya wi ña ñatĩñaroca yigu yiguja yu. İ ya wi botari butirise robo bajiro ñatĩñarã yirãji ña. Udia wame ñare wame wõgũ yiguja yu, ña ñajedirore. Ado bajiro wame yicuja yu: Yu Jacu Dios wame, ĩ cuto wame, ito yicõri yu wame mame ñaroti wõgũ yiguja yu ñare. Yu Jacu ĩ ñaro, mame Jerusalén wame cutiri cuto ñaro yiroja. Iti cuto ñmacũjana ruji wadicõri, ejaro yiroja. <sup>13</sup>No gãmo goje cutirã tuoya. Adi ña Diore tuorũnurãre Espiritu Santo ĩ gotire", yi ucaya, yiquĩ yure yu cãiroju.

### Laodicea gãnare oca cõare gaye

<sup>14</sup>Gaje ado bajiro yure gotiquĩ yu cãiroju:

—Laodicea gãna Diore tuorũnurãre ũmatã ñagũre ado bajiro ucaya: "Diore queno goti ejabuasotigu, ito yicõri riojo gotiguna suoriti jeyaro rujeõni Dios. Ado bajiro gotiami muare: <sup>15</sup>Jeyaro mua yirise masia yu. Yu rotirise queno cudi amobeja mua. 'Yu amorocõ cudicuja yuama', yi t̄oĩa mua. Yure ti tebitibojarãti yure queno tuorũnusabeja mua. Ito bajiri yure queno tuorũnure amoa yu. Mua queno yure tuorũnu amosabeja, yure mua jidicãja quena. <sup>16</sup>Yure tuorũnumena ñari mua amoro bajiro riti cudisotia mua. Ide asirise, ide usarise bajiro bajirã meje ña mua. Ide asisuriseacã bajiro bajirã ña mua. Ito bajiro mua bajirã ñajare, ide asisuriseacã mũño bategu robo bajiro muare bucõagũ yiguja yu. <sup>17</sup>Gajeoni jairã ña gua. Gua amorise ñajediro, dise ruyabeto r̄ucoa gua', yiboja mua. Queno itire ti masibea mua. Yu tija yure cudimena ñari ado bajiro bajirã ña mua. Bojoro bujarã, ñe r̄ucomena, t̄oĩa oca jairã, cajea mana ito yicõri yutabuju mana bajiro bajirã ña mua. <sup>18</sup>Ito bajiro mua bajirã ñajare, ado bajiro muare goti masioa yu. Quenarise yure mua moa ĩsi amoja, yure senija quena. Ito bajiro mua senija t̄ocõri, jaje

quenarise m̄ua yiroca yiḡu yiḡuja ȳu. Ñeñarise m̄ua jidicã ãmoja, ȳure senija quena. Ito bajiro m̄ua senija t̄uocõri, quenarise m̄ua t̄uoïaroca yiḡu yiḡuja ȳu. Ȳu ya oca m̄ua masi ãmoja ȳure senija quena. Ito bajiro m̄ua senija t̄uocõri, ȳu ocare queno m̄ua t̄uo masiroca yiḡu yiḡuja ȳu. <sup>19</sup>No ȳu mairãre ñare goti quenoa ȳu. Ito yicõri no ȳu mairãre ña ñeñaro yija, ñare waja senia ȳu, ña masitoni. Ito bajiri m̄ua ñeñaro yirisere jidicãcõri, ȳure queno c̄udiya ña. <sup>20</sup>Tiya, soje t̄u code r̄ugõa ȳu sãja ãmogũ. No ȳu oca t̄uocõri soje ñ janaja, sãjagũ yiḡuja ȳu. Sãjacõri ñre baba c̄utiḡu yiḡuja ȳu. Ito yicõri ñña c̄uni ȳure baba c̄utiḡu yiḡuñi. <sup>21</sup>No ña ñeñaro yirisere jidicãrã, ña ñama r̄um̄ua ñj̄ure r̄etoc̄urã. Ito bajiro bajirã m̄ua ñajare, ȳu roti rujiro t̄u ȳu rãca m̄ua ñaroca yiḡu yiḡuja ȳu. Ito bajiroti r̄um̄ua ñj̄ure r̄etoc̄ucõri, ȳu Jacu rotiro t̄u rujia ȳu. <sup>22</sup>No gãmo goje c̄utirã t̄uoya. Ito bajiro yami Espiritu Santo, Diore t̄uor̄unrãre”, yì ucaya, yiqũ ȳu cãiroj̄u ȳure goaïocas̄u.



(Apocalipsis 3.20)

### Ūmacūju Diore rūcubuoṛe gaye

**4** <sup>1</sup>Ito yija bero ūmacūju soje janacāra soje ticu ya. Trompeta jutire oca bajiro yure busisucocacu mucana ado bajiro yure busi ruyucu: —

—Mujaya waya adoju. Ija rētaroti gaye mure ĩorocu ya ya, yire oca ruyucu yure.

<sup>2</sup>Ito bajiro ĩ yirocati Espiritu Santo ĩ masirisenati ūmacūju ejacoacu ya. Itoju ejacōri ũju ya cumuro ticu ya. Iti cumuroju sīgū rujiqū ya tija. <sup>3</sup>Iti cumuroju rujicacu gūta bato yorise robo bajiro yocu ĩ ya rio. Jaspe Cornalina wame cutirise gūta robo bajiro yo ruyucu ĩ ya rio. ĩ rujiro ta ide bue bedo ñacu. Esmeralda wame cutirise gūta robo bajiro yo ruyucu iti bedo. <sup>4</sup>ĩ rujiro ta veinticuatro cumurori ruji gāni biacu ĩ ta. Iti cumurorija veinticuatro ñarā bucūrā rujicā. Botirise sñacā ĩna. Ito yicōri oro bedori jesacā ĩna. <sup>5</sup>ĩ rujiro cumuroju bujo ĩ borea yirise bajiro borea yicu. Ito yicōri bujo busirise bajiro ruyucu. ĩ rujiro cumuro riojo juā āmojeno jea ũjuricari ruyucu. Itire ticōri “Juā āmojeno ũsi cutigū ñami Dios”, yi ticu ya itire. <sup>6</sup>Ūju ya cumuro riojo itajura ide botirita, queno ide ruyurita ticu ya.

Ūju ya cumuro riojo, iti cumuro judoju cūni, riojocaduja, gācoduja cūni tīāña mana juariarā ñacā. Jaje cajeari cuticā. ĩna ya rio ñari duja cūni ĩna ya judojuari cūni cajeari cutirā ñacā ĩna. <sup>7</sup>Sīgū tiya macu yai robo bajigu ñaquī. Gāji ta wecu robo bajigu ñaquī. Gāji ũmugū bajiro rio cutiquī. Susagu ga jagu wutigu robo bajiro bajiquī. <sup>8</sup>ĩna juariarā tīāña mana coga āmojeno caerori caero cuticā. ĩna ya caerorija ūmacūjuagaduja, jacagaduja cūni cajeari cutirā ñacā ĩna. Ũmuari, ñamiri cūni Diore rūcubuoṛā ado bajiro basatīñacā ĩna:

Quenagū ña mū. Quenagū ña mū. Quenagū ña mū. Jeyaro masigū ña gūa Ūju mū. Muti ñayija iti rumuju gagu. Muti ña adocāta gagu cūni. Muti ña ija ejarocu cūni, yi ñacā ĩna.

<sup>9</sup>Ūju ya cumuroju rujigūre rūcubuoṛā ado bajiro yicā ĩna: “Mū ña rētoro rūcubuoṛu. Mū ña rētoro ñasagu. Mure rūcubuoṛā, ‘Queno ya mū’, ya gūa mure”, yicā ĩna ito rujigu catitīñagūre. <sup>10</sup>Coji ruyabeto ito bajiro ĩna yiroca veinticuatro ñarā bucūrā ito ñarā, ĩ riojo rijomunigāna ñini rūjūcā ĩna. Catitīñagūre rūcubuoṛā ito bajiro ñini rūjūcā ĩna. Ito yicōri ĩna ya jesara bedori āmicōri ĩ rujiro riojo jidicūcā ĩna. Ito yicōri ĩre rūcubuoṛā ado bajiro yicā:

<sup>11</sup>Mū ña jeyaro rujeoru. Mū āmoro bajiroti mū rujeore jeyaro ña. Gūa Ūju ña Dios mū. Masa jeyaro mure rūcubuoṛe āmoa gūa. “Dios ñami ñasagu”, masa jeyaro yi jedire āmoa gūa. “Dios ñami rētoro masigū”, masa mure ĩna yire āmoa gūa, yicā veinticuatro ñarā bucūrā. Ito bajiro yicā ĩna Diore rūcubuoṛā.

### Papera tunara joti

**5** <sup>1</sup>Ito yija bero ũju ya cumuroju rujigu ĩ ya āmo riojocaduja papera tunara joti ĩ rucōja ticu ya. Iti joti totiju, joe cūni ucare ñacu. Juā āmojeno sūobiare ñacu iti jotijure. <sup>2</sup>Ito bajiroca Dios ñaro gagu ángel queno masigū ticu ya. Ado bajiro oca sēoro seniñaquī ĩ:



—¿Ñimũ ñati Dios ĩ ti wanũgũ iti joti suobiare ñigã ãmigocõri manire ti ĩsigũ? yi seniãbojaquĩ ĩ.

<sup>3</sup>Ito bajiro ĩ seniãbojaja, ũmacũju gãna, adi sita gãna, adi sita rocajua gãna cuni sīgũjuama jana masigũ maniquĩ. Sīgũ itire ti ĩsigũ maniquĩ.

<sup>4</sup>Ito bajija ticõri, buto oticu yu. Sīgũ iti janacõri ti ĩsigũ manijare, buto oticu yu. <sup>5</sup>Yu otija ticõri, sīgũ bucũgu ado bajiro gotiquĩ yure:

—Itocõti otija ĩja. Adoju tiya. Ado ñami sīgũ rũmũa ẽjure r̃etocũru. Judã masa butu gagũ ñami ĩ. Yai s̃eogũ bajiro bajigu ñami ĩ. Ito yicõri David ẽju ñayoru janerãbatia janami ñami ĩ. ĩre queno wanũami Dios. Ito bajiri jua ãmojeno suobiare ñigã ãmigocõri manire ti ĩsigũ yiguĩji, yiquĩ ĩ yure.

<sup>6</sup>Bucũrã wato, tĩaña mana wato, ẽju ya cumuro tũju sīgũ Oveja Macũ bajiro bajigure ticu yu. ĩre ĩna siagore cami iti ñaja ticu yu. Jua ãmojeno saburi ñacu ĩre. Ito yicõri jua ãmojeno cajeari ñacu ĩre. ĩ ya cajeari ticõri, “Jua ãmojeno usi cõtigu ñami Espĩritu Santo. ĩ ñami adi sitajure coju ruyabeto Dios ĩ cõaru”, yi ticu yu ĩre. <sup>7</sup>Ito yija yu tiroca Oveja Macũ, ẽju ya cumuro rujigu ya riojocaduja papera tunara joti ĩ rucorisere ãmiquĩ. <sup>8</sup>Oveja Macũ iti jotire ĩ ãmiroca juariarã tĩaña mana, ito yicõri veinticuatro ñarã bucũrã cuni ĩ riojo rijomunigãna ñini rũjũcã. ĩna sīgũ ruyabeto basa meniroti arpa wame cõtirise rucocã ĩna. Ito yicõri oro t̃erori rucocã ĩna. Iti t̃eroriju soeja queno s̃uti quenarise sãñacu. Iti s̃uti quenarise iti bue m̃uja waja Dios ñarã ĩre ĩna busiro robo bajiro bajirise ñacu. <sup>9</sup>Ado bajiro basacã ĩna mame basare:

Masa jeyare masorocũ goda ĩsiyija mũ. Co oca ruyabeto busirãre, co cuto gãna ruyabeto, ito yicõri co sita gãnare ruyabeto goda ĩsiyija mũ. Dios ñarã masa ñatoni mũ ya rĩna waja yicãyija mũ. Ito bajiri tunara joti ãmicõri suobiare ñigã masigũ ña mũ.

<sup>10</sup>No Diore tuorũnurãre ĩ ñarã ĩna ñaroca yiyija mũ. Ito yicõri paia robo bajiro Diore ĩna moa ĩsiroca ya mũ. Ito bajiri adi sita gãnare roti masirã yirãji ĩna, yi basa s̃ecã ĩna.

<sup>11</sup>Ito yija bero jãjarã ángel mesa ĩna busija t̃uocũ yu. Cõĩaja jediado manicã. Jãjarã ñacã ĩna. ẽju ya cumuro tu juariarã tĩaña mana, veinticuatro ñarã bucũrã judojuaju ñacã ángel mesa. <sup>12</sup>Oca s̃ero ado bajiro yicã ĩna:

Masa ĩna ñeñaro yirise waja, waja yi ĩsiroca goda ĩsiñi Oveja Macũ.

Ito bajiro bajicõri r̃etoro masigũ ñami ĩ. R̃etoro s̃eogũ, r̃etoro roti masigũ, r̃etoro r̃ucũbuoru, r̃etoro jeyaro rucogu, “R̃etoro quenagũ ñami”, masa ĩna yiroca, ñami Oveja Macũ, yi r̃ucũbuocã ángel mesa.

<sup>13</sup>Ito yirocati Dios ĩ rujeoana ñarocõti ĩna busija t̃uocũ yu. ĩna ñacã ũmacũju gãna ñajediro, adi sita gãna cuni. Ito yicõri sita wato ñarã, godagoana, ito yicõri ide wato gãna, ñajediro ĩna busirise ruyucu. ẽju ya cumuro rujigure, Oveja Macũre cuni r̃ucũbuorã ado bajiro busi ruyucã ĩna:

Mua ña masa ĩna r̃ucũbuorona. Ito bajiri m̃uare r̃ucũbuotĩñajaro masa.

“Mua ña r̃etoro ñasarã”, yitĩñajaro masa m̃uare. “Mua ña r̃etoro masirã.

Mua ña r̃etoro queno yirã”, yitĩñajaro masa m̃uare, yi busi ruyucã ĩna.

<sup>14</sup>Ito bajiro ñna yiroca juararã tiñaña mana ado bajiro busi ruyucã:  
—Ito bajiroti baja, yi busi ruyucã ñna.

Ito yiroca veinticuatro ñarã bucãrã ujã ya cumurojã rujigãre, Oveja Macure cuni, rucuborã ñna riojo rijomunigãna ñini rújucã ñna.

### Jua ãmojeno suobiare gaye

**6** <sup>1</sup>Ito yija Oveja Macu papera tunara jotire cajero suobiarajũ ñ ñigãja ticu yũ. Ito yirocati juararã tiñaña mana sīgũ busi ruyucuĩ ñna rãca gagũ. Ñ busija bujo busirise robo bajiro ruyucu. Ado bajiro yi ruyucuĩ ñ:  
—Adojua tigu waya, yi ruyucuĩ ñ yũre.

<sup>2</sup>Ñ ito yijare ti ñucacu yũ. Cabaru botigu ñ rügõja ticu yũ. Ñ joe jesagu jatura jã ñucoquĩ. Jesara bedo ñre ñna jeoja ticu yũ. Ito bajiro ñna yija bero ñ wajanare rëtocũgũ waquĩ ñ.

<sup>3</sup>Ito yirocati Oveja Macu suobiarajũ gajejũ ñigãquĩ ñ. Ito yija gãji tiñaña macu ñ busija tuocu yũ:

—Adojua tigu waya, yi ruyucuĩ ñ cuni.

<sup>4</sup>Ito ñ yija cabaru sũagũre ti bujacu yũ. Ñ joe jesagũre sarera jã ñna ñsija ticu yũ. Ado bajiro moare ñre cũni ñna. Masa ñna queno ñabitire gaye, masa ñna gãmeri sãaroti gaye cuni ñre moare cũni ñna.

<sup>5</sup>Ito yija bero mũcana gajejũ suobiarajũ ñigãquĩ Oveja Macu. Ito yija gãji tiñaña macu ñ busija tuocu yũ:

—Adojua tigu waya, yi ruyucuĩ ñ cuni.

Ñ ito yija cabaru ñigũre ti bujacu yũ. Ñ joe jesagu rucboraga rucocuĩ.

<sup>6</sup>Ito yirocati tiñaña mana wato oca ruyucu. Ado bajiro ruyucu iti:

—Trigo wame cutirise bare co rũmũ moare waja coji kiloti bujare ñaro yiroja. Ito yicõri cebada wame cutirise bare co rũmũ moare waja udiãji kilos bujare ñaro yiroja. Ito bajibojarocati uyé ide, úye roabare cuni waja rucubeto yiroja, yire oca ruyucu.

<sup>7</sup>Ito yija mũcana gajejũ suobiarajũ ñigãquĩ Oveja Macu. Ito yija gãji susagu tiñaña macu ado bajiro yi ruyucuĩ:

—Adojua tigu waya, yi ruyucuĩ yũre.

<sup>8</sup>Ito ñ yija cabaru bodeagũre ti bujacu yũ. Ñ joe jesagu, “Godare Gaye Rotigu”, wame cutiquĩ. Ñ bero suyagu, “Ñeñaro Yigoana Ñna Ñaroju”, wame cutiquĩ ñ. Siare gaye moare cũni ñna ñnare. Gãmeri sãarena, ñio jogarena, ñarisena ito yicõri gãjeronana cuni ñnare sãa rotiñi ñna. “Adi sita gãna juaria buturi batocõri co butu gãna mũ sãa jeoja quena”, yi rotiñi ñna ñnare.

<sup>9</sup>Ito yija bero mũcana gajejũ suobiarajũ ñigãquĩ ñ. Ito bajiro ñ yirocati Diore rucuborã ñna soe ñsotira casabo tu sãa ecoana ya usi ñacu. Dios oca ñna riasojare, ito yicõri, “Jesure tuorũnrã ña gũ”, ñna yijare ñnare sãa ñna. <sup>10</sup>Oca sãoro ado bajiro yicã ñna:

—Coji ñeñaro yĩabicu ña gua ʒju mu. “Ado bajiro yigu yiguja yu”, mu yija yiro robo yigu ña mu. ¿Guare sianare nocõ yuari ñnare waja senigũ yati mu? yicã ñna. <sup>11</sup> Ñna ito yijare yutabuju botirise ñnare ñsiquĩ ñ. Ito yicõri:

—Tujacãña maji, usiriobesa. Gãjerã mua robo bajirã Jesús gayere riasorã yirãji maji. Ito bajiro ñna yija ticõri, ñnare siacõrã yirãji maji. Ito bajiro ñna yija bero ñnare waja senigũ yiguja yu, yiquĩ Dios ñnare.

<sup>12</sup> Ito yija bero mucana gajeju suobiaraju ñigãquĩ Oveja Macu. Ito bajiro ñ yirocati sita iti buto ueja ticu yu. Ito yicõri umacãni umua gagu buto ñi juaquĩ. Saya buto ñiro robo bajiro ñi juaquĩ ñ. Ito yicõri ñami gagu buto sũa juaquĩ, rĩ buto sũarise robo bajiro. <sup>13</sup> Ito yicõri ñocõa umacũju gãna jacaju quedi queacã ñna. Higuera wame cutiricu rica mino iti wẽa batero robo bajiro quedicã ñna.

<sup>14</sup> Ito yija bero macãrucũro godacoacu. Papera jũ tunado bajiro baji godacoacu. Gũta yucuri, ruja yogari cuni gajeroju iti cuni rãgũroca yiquĩ Dios. <sup>15</sup> Ito bajijare ʒjarã rotiri masa gũta gojeriju rudi sãja wacã ñna. Ito yicõri gũtagãri wato rudi sãja wacã gãjerã. Ñna rãcati surara ʒjarã, ñasarã, niyeru jairã, sãorã, waja mano moari masa, gãjerã queno ñari masa cuni rudi jedicoacã ñna. <sup>16</sup> Ito bajiro rudicõri gũta yucurire, gũtagãrire cuni ado bajiro yicã ñna:

—Guare quedi jea biaya ʒju ya cumuroju rujigu guare ñ tibititoni. Ito yicõri Oveja Macu gua ñeñaro yirise waja guare senibititoni, guare quedi jea biaya, yicã ñna gũta yucurire.

<sup>17</sup> Ija ito bajiro iti bajija masa ñna ñeñaro yirise waja seniri rumu ñacãro yiroja. Ito bajiri ñimu itire rudi masigũ macu yiguĩji.

### Ñ ñarãre Dios ñ tirũnure gaye

**7** <sup>1</sup> Ito bero ángel mesa juariarã ticu yu. Umacãni ñ joejea wadiri dũja waquĩ sigũ. ñ quedi sãja warojuwa waquĩ gãji. Warubũjuwa waquĩ gãji. Gãji gaje dũja warubũjuwa waquĩ. Itoju ʒjacõri mino wẽa rotibisĩ ñna. Ito bajiri adi sita joe, riaca jajosa joe cuni mino wẽabiticu. Ito bajicõri yucu joe cuni mino wẽabiticu. <sup>2</sup> Ito bajiroca umacãni ñ joejea wadiri dũja gãji ángel ñ wadija ticu yu. Dios catitĩngũ wame wõroti gaye rucocõri ñ wadija ticu yu. ʒjacõri gãjerã ángel mesa adi sitare, riaca jajosa cuni, Dios ñ ñeño rotianare oca sãoro ado bajiro awasã gotiquĩ ángel:

<sup>3</sup> —Mani ʒju Dios ya moari masa ya rioweca Dios wame wõrã yirãji mani ñnare. Mani wõroto riojuwa adi sita, riaca jajosa, yucure cuni ñeñobesa mua maji, yiquĩ ángel Dios ñ ñeño rotianare.

<sup>4</sup> Ito yija bero, “Adocõ ñnama mua wame wõrona”, yire oca ruyucu. “Ñna ñnama juwa gũbojeno buturi gãna. Jeyaro ciento cuarenta y cuatro mil Israel sita gãna ñnama ñna”, yire gaye oca ruyucu. <sup>5</sup> Ado bajiro wame cuticã juwa gũbojeno buturi gãna, Israel sita gãna: Judã ñayoru janerãbatia doce mil ñacã. Rubén ñayoru janerãbatia doce mil ñacã. Gad ñayoru janerãbatia doce mil ñacã.

<sup>6</sup> Aser ñayoru janerãbatia doce mil ñacã. Neftalĩ ñayoru janerãbatia doce mil ñacã. Manasés ñayoru janerãbatia doce mil ñacã. <sup>7</sup> Simeón ñayoru janerãbatia doce mil ñacã. Levĩ ñayoru janerãbatia doce mil ñacã. Isacar ñayoru

janerābatia doce mil ñacã. <sup>8</sup> Zabulón ñayoru janerābatia doce mil ñacã. José ñayoru janerābatia doce mil ñacã. Ito yicōri sūsari Benjamín ñayoru janerābatia doce mil ñacã. Ìna ñacã Dios wame wõ ecorona.

### Jājarā botirise sãnarã

<sup>9</sup> Ito yija bero ʋju ya cumuro riojo, ito yicōri Oveja Macu riojo jājarā masa ticu yu. Ìna ñacã co sita gãna ruyabeto, co oca ruyabeto busirã, co cuto gãna ruyabeto, ito yicōri co butu gãna ruyabeto ñacã ìna. Cõĩaja jediada manicã ìna. Yutabujuri botirise sãnacōri ìna ya ãmoriju rujaño caeri rucocã ìna. <sup>10</sup> Ado bajiro oca sēoro awasã basicã ìna:

Dios rotira cumuroju rujigu, ì ñami manire masorocu. Ito yicōri Oveja Macu ì cuni manire masorocuti ñami, yicã ìna.

<sup>11</sup> Ito bajiro ìna yiroca riti ángel mesa ñajediro, bucūrã, juariarã tĩaña mana cuni ʋju ya cumuro riojo Diore rucubworã ñini rújucōri ìna ya rio sita cūoro muqueacã ìna. <sup>12</sup> Diore rucubworã ado bajiro yicã ìna:

Mu ña rucubwogu. Mu ña rētoro ñasagu. Mu ña rētoro masigũ. Mu ña rētoro queno yigu. Mu ña masa jeyaro ìna rucubwogu. Mu ña rētoro sēogũ. Ñimũ gãji mũ rētoro sēogũ maquiji. Mu ña Dios gua ʋju. Ito bajiroti ñatĩñama mũ. Ito bajiroti bajitĩñajaro. Itocõ ña. Amén, yicã ìna.

<sup>13</sup> Ito yija sigũ bucugu yure seniñaquĩ:

—¿Ñimarã ñati botirise sãnarã? ¿No gãna wadiyijari ìna? yiquĩ ì yure.

<sup>14</sup> Ito ì yijare ado bajiro cudicu yu:

—Masibea yu. Mu muri masigũja. Yure gotiya, yicu yu ìre.

Yu ito yijare:

—Ìna ñama buto tōbujabojarãti ìna ñeñaro yirisere jidicãcōri, rũmũa ʋjere rētocũana. Ìna ñeñaro yirisere coeñi Oveja Macu, ì ya rina. Ito bajiri yutabujuri boti quenarise sãñama ìna, yiquĩ ì yure. <sup>15</sup> Ito bajicōri ʋju ya cumuro riojo Diore rucubwo ñama ìna. Ito yicōri ì ya wire ãmũa, ñami cuni ìre moa ìsiamã ìna. Ito bajiri ì masirisena ìnare codetĩñagũ yiguĩji Dios. <sup>16</sup> Ito bajiri juaji ñiocõmena yirãji ìna. Juaji idi ãmomena yirãji ìna. Ito yicōri ãmacañi juaji asi jeobicu yiguĩji ìnare. Ito bajiri asirise tuoĩamena yirãji ìna. <sup>17</sup> ʋju ya cumuro riojo ñagũ Oveja Macu, ìnare codegu yiguĩji. Oveja coderi masu robo bajiro ìnare codegu yiguĩji ì. Ide catitĩñare gaye idijaro ìna yirocu, ìnare tũa wacu yiguĩji Oveja Macu. Ìna ya cajeari yago ide wejacãgũ yiguĩji Dios. Ito bajiri wanurã, tũdi otimena yirãji ìna ìja, yiquĩ ì yure.

### Ruyariju suobiaraju ñigãre gaye

**8** <sup>1</sup> Ito yija Oveja Macu juã ãmojeno suobiaraju ruyariju ñigãquĩ ìja. Ito bajiro ì yiroca yoa busari treinta minutocõ ãmacũju macãrucũroju oca manoti ñacu. <sup>2</sup> Ito bajija bero juã ãmojeno ángel mesa Dios riojo ìna rügõja ticu yu. Juã ãmojeno trompeta jutiragari boca ãmicã ìna. <sup>3</sup> Ito yija gãji ángel oro tēroju soeja suti quenarise sãcōri ejaquĩ. Diore rucubworã ìna soe ìsisotira



(Apocalipsis 8.2)

casabo riojo rügōquĩ ĩ. Ito yicōri jaje soeja suti quenarise boca āmiquĩ ĩ. Iti ñacũ, Dios ñarā Diore ĩna bũsiroca soe ĩsiroti. Ito yicōri ɸjũ ya cumuro riojo Diore soe ĩsira casabojũ Diore soe ĩsiquĩ ĩ. Orona ĩna menira casabo ñacũ iti casabo. <sup>4</sup>Ito bajiro ĩ soe ĩsija bueri queno suti quenarise bue ejaçũ Diore. Dios ñarā ĩre ĩna bũsirise çũni ejaçũ ĩ tũ. <sup>5</sup>Ito yija ángel Diore ĩna soe ĩsira casabo gaye ĩ rucori tērojũ rĩti yorise sã dajoquĩ. Ito yicōri adi sitare rĩti yorise yua queoquĩ. Ito bajiro ĩ yijare bũjo ĩ borea yirise ñacũ. Bũjo oca çũni ruyucũ. Ito yicōri guijoro ruyucũ. Ito bajicōri sita ɸecũ. Ito bajirise ticũ yũ, yũ cãirojũ.

#### Jutiragari gaye

<sup>6</sup>Ito yija bero trompeta wame çutirisena jutirona ruco yucãcã ángel mesa jũa āmojeno ñarā.

<sup>7</sup>Cajero gagũ jutisũoquĩ. ĩ jutirocati ide bũra çujiri sitajũ quedi queacũ. Ito yicōri jea ɸjũrise rĩ wũsarise quedi queacũ. Iti quedi quearoca sita gũdareco adojũa bũsacō ɸa jedicoacũ. Yucũ çũni gũdareco adojũa bũsacō ɸacũ. Ta çati çũni ɸa jedicoacũ.

<sup>8</sup>Ito bero gagũ ángel jutiquĩ. ĩ jutirocati gũtagũ bajiro ɸjũcōri riaca jajosajũ quedi roacũ. Ito bajiroca riaca jajosa gũdareco adojũa bũsacō rĩ godo wedicũ. <sup>9</sup>Ito bajiri riaca jajosa gãna gũdareco adojũa bũsacō cō jedicoacã ĩja. Ito yicōri gũdareco adojũa bũsacō cuma bũçũri ruja jedicoacũ ĩja.

<sup>10</sup>Ito bero gagũ ángel jutiquĩ. ĩ jutirocati ũmacũjũ gagũ ñocōa jaigũ quediquĩ. Jea ɸjũrise bũcũ bajiro quediquĩ ĩ. Riacarĩ, ide ũmaburi gojerĩ gũdareco adojũa bũsacō quedi roaquĩ ĩ. <sup>11</sup>“Sũerise”, wame çutiquĩ ĩ ñocōamũ. Ito bajiri gũdareco adojũa bũsacō sũerise godo wedicũ ide. Ito bajiri itire idicōri masa jãjarã godacã.

<sup>12</sup>Ito bero gagũ ángel jutiquĩ mũcana. ĩ jutirocati ũmacañĩ ũmũa gagũ gũdareco adojũa bũsacō ñeñaquĩ. Ito yicōri ñami gagũ gũdareco adojũa bũsacō ñeñaquĩ. Nocōa çũni itocōti ñeñaçã. Ito bajiri gũdareco adojũa bũsacō busubiticã ĩna. ũmũa gagũ jũariajiri cōrecō busubitiquĩ. Nami gãna çũni iticōti busubiticã.

<sup>13</sup>Ūmacũjũ ti mũoca yigũ, ga ĩ wũtija ticũ yũ. Ado bajiro oca sēoro bũsi ruyuquĩ ĩ:

—Bũjato bajiro wado ya adi sita gãnare. Ūdiarã ángel mesa jutimena ĩna jutiroca bũto tōbũjarã yirãji adi sita gãna. Bũjato bajiro yiroja ĩnare, yĩ ruyuquĩ ĩ yũ tũoja.

## Susabiti goje gaye

**9** <sup>1</sup>Ito bero co dɔjamɔ ñagũ ángel jutiquĩ mucana. Ī jutirocati sīgũ ñocõa robo bajigũ ado jacaju ĩ queda queaja ticu yu. Quedi queacõri susabiti goje soje janado boca ámiqũ ĩ. <sup>2</sup>Ito yicõri iti sojere janaquĩ ĩ. Ī janagoroca jairo ɔjũrime bueri robo bajiro mujacu. Jairo bue dajacõri ráitfiacoacu. Ito bajicõri ũmacañi cuni ruyubitiqũ. <sup>3</sup>Iti bueri wato ñimia jãjarã wũti batacã adi macãrucãrore. Cotiwãja robo bajiro toarã ñacã ĩna ñimia. <sup>4</sup>“Tare, yucure, oteja judirisere cuni ba ñeñobesa mua”, Dios ĩ yicãna ñañi ĩna. “Áni ñami Dios yagu’, wame wãñamenare riti usirioro yiba mua”, Dios ĩ yicãna ñañi ĩna. <sup>5</sup>“Masare usirioro yiba”, Dios ĩ yiana ñabojarãti, “Masare siama”, ĩ yiana meje ñañi ĩna. “Co dɔjamocõ ũmacañicõ masare rujuri juniroca yiba”, Dios ĩ yicãna ñañi ĩna. Masare rujuri juniroca ĩna yija, cotiwãja ĩ toaro bajiro junirã ñacã ĩna. <sup>6</sup>Iti rãmũri iti ejaroca bũto goda ámorã yirãji masa. Ito bajibojarocati goda masimena yirãji ĩna. Ejori goda ámobjarãti godamena yirãji ĩna.

<sup>7</sup>Yu tija ñimia cabarua robo bajirã ñacã. Gãmeri siarona ña yucãna robo bajiro bajicã ĩna. ĩna ya rijogari joe oro bedori bajirise jesacã ĩna. Ito yicõri ĩna ya riori, masũ rio bajiroti bajicu. <sup>8</sup>ĩna ya joa romia joa bajirise ñacu. Ito yicõri ĩna ya guji yai guji bajirise ñacu. <sup>9</sup>ĩna ya rujũ cunĩ gaye come wero robo bajirise ñacu. ĩna wũtija ĩna ya caerori cabarua jãjarã ĩna ũmaquedi robo bajiro ruyucu. Gãmeri siarã warã jãjarã cabarua tunuricori ĩna tũa waro bajiro ruyucu. <sup>10</sup>Cotiwãja jotia robo bajiro jotaga cutirã ñacã ñimia. Ito bajiri co dɔjamocõ ũmacañicõ masare rujuri juniroca yi ñacã ĩna. <sup>11</sup>ĩna ñimia ɔjũ sigũ ñaquĩ. Susabiti goje gagũ ñaquĩ ñimia ɔjũ. Ángel ñagorũ ñaquĩ ĩna ɔjũ. Hebreo ocana Abadón wame cutiquĩ ĩ. Griego ocana Apolión wame cutiquĩ. “Ruyuriori masũ”, yireoni ña iti.

<sup>12</sup>Ito bajiro rêtacu cajero tõbujasuroti gaye. Ito bero juaji gaye ruyacu mucana.

<sup>13</sup>Ito yija bero gagũ ángel jutiquĩ mucana. Ī jutirocati Dios riojo ĩre soe ĩsira casabo juaria saburi sabu cutiri casabo wato oca ruyucu. <sup>14</sup>Ito juti ruyucacure ado bajiro oca goti ruyucu:

—Éufrates wame cutirisa tũ juariarã ángel mesa ñagoana sia cũanare õjaña, yire oca ruyucu.

<sup>15</sup>Ito bajiri juariarã ángel mesa ñagoanare õjaquĩ ĩ. Gũdareco adojua busacõ masare siajaro yirocu, ĩnare õjaquĩ ĩ. “Iti rodoti, ĩ ũmacañiti, iti rãmũti, iti horati ĩnare siama”, yi goticãna ñañi ĩna. <sup>16</sup>“Doscientos millones surara cabaru joejũ jesarã ñama”, yire gaye oca tũocu yu.

<sup>17</sup>Ito yirocati yu cãirojũ cabaru joe jesarãre ticu yu. ĩna ya rujũ cunĩ gaye ricati riti ñacu. Gãjerã sũarise, gãjerã sumearise, gãjerã bodearise cunĩ cuticã ĩna. Yai rijoga bajiro rijoga cuticã ĩna cabarua. ĩna ya riserijũ bueri, jea, ito yicõri azufre wame cutirise cuni budicu. <sup>18</sup>Iti ɔdiaji gaye cabarua ya riserijũ budicati gũdareco adojua busacõ masare siacu iti. Jãjarã masare jeana, buerina, ito yicõri azufre wame cutirisena cuni masare siacã ĩna. <sup>19</sup>ĩna ya riserina, ĩna

ya jotiarina cūni masare sīa masirã ñacã cabarua. Ñna ya jotiarĩ ãña robo bajiro rijoga cūticu. Ito bajiri ña ya jotiarina masa ña tōbujaroca yicã ña.

<sup>20</sup>Jājarāre sīacã ña. Ñnare sīaja tibojarāti ña ñeñaro yirise jidicābiticã gājerã. Rūmúare rūcūbuo jidicābiticã ña. Rūcūbuorona ña meniana ñacã. Oro, plata, bronce wame cūtirisena, gūta, yucuna cūni menicã ña ñnare rūcūbuorona. Ña menire tirise meje, warise meje, tūorise meje ñabojarocati itire rūcūbuotīñacã ña. <sup>21</sup>Gājerāre sīa jidicābiticã ña. Masare ña rojarise jidicābiticã ña. Romiare ña ajerise jidicābiticã. Ñna rinirise cūni jidicābiticã ña.

### Dios ñaro gagu ángel papera tunara joti rucogu

**10** <sup>1</sup>Ito yija gāji ángel sēogū ūmacūju ī ruji wadija ticu yu. Ide bueri wato ruji wadiquī ī. Ī ya rijoga weca bue bedo ñacu. Ī ya rio ūmacañi ūmua gagu bajiro yocu. Ī ya ñicuri jea ūjūrise curise bucū robo bajiro bajicu. <sup>2</sup>Ī ya āmoju papera tunara joti ōjacōri rucoguī. Ruji ejacōri ī ya gūbo riojocaduja riaca jajosa cūda roaquī ī. Ī ya gācodujaga gūbo boeju cūda cūquī. <sup>3</sup>Ito yicōri oca sēoro awasāquī. Yai awasāro bajiro ruyucu ī awasāja. Ī awasārocati jua āmojeno bujoa busi ruyucã. <sup>4</sup>Bujoa oca ruyurise ucarocu yibojacu yu. Iti ucaqu wagu yu yirocati ūmacūju ado bajiro oca ruyucu yure:

—Jua āmojeno bujoa oca ruyurise gājerāre gotibesa. Ucabesa itire, yire oca ruyucu yure.

<sup>5</sup>Ito yija bero co duja gūbo riacaju cūda rūgōcōri gaje duja gūbo boeju cūda cūgū, ī ya āmo riojocaduja ūmacūju ī ñumuoja ticu yu. <sup>6</sup>Riti bajiro yiroja yirocu, “Dios catitīñagū ī tiro riojo ado bajiro ya yu”, yiquī ī. Dios ñami ūmacūju macārucārore rujeoru. Sita, riacari curise, ito yicōri jeyaro itiju ñarise rujeoru ñami ī. Riti bajiro yiroja yirocu, Dios ī tiro riojo ado bajiro ya yu:

—Ñe sejare mano yiroja ĩja. <sup>7</sup>Susagu ángel jua āmojeno ñagū ī jutiroca, “Ado bajiro yigu yigūja yu”, Dios ī yiado bajiroti yigu yiguīji ī. Jane mejeju masare iti gaye goti jeobisī ī maji. ĩre goti ĩsiri masare riti gotiñi ī. Ñnare ī gotiado bajiroti rētarō yiroja ángel susagu ī jutija, yiquī ī.

<sup>8</sup>Ito bajiro ī yija bero ūmacūju oca ruyucati tūdi ruyucu yure mūcana. Ado bajiro yi ruyucu yure:

—Ángel ī ya riojocaduja riacaju cūda roacōri, boeju cūda cūgū tū wasa. Papera tunara joti ī rucorise āmiña, yire oca ruyucu yure.

<sup>9</sup>Ito bajiro iti ruyuja tūocōri, ángel tū wacu yu. Ī tū ejacōri papera tunara jotiaca ĩre senicu yu. Yu senija ado bajiro yure cūdiquī ī:

—Īmo baya. Iti mū baja beroa ide robo bajiro ibisitiro yiroja mū ya rise. Ito bajibojarocati iti mū baja bero ñeme jiacōri mure jeraga juniro yiroja, yiquī yure.

<sup>10</sup>Ito ī yirocati āmoju ī rucorise papera āmicu yu. Itire āmicōri bacu yu ĩja. Beroa ide robo bajiro ibisiticu iti yu baja. Ito bajibojarocati iti yu baja bero yu ya jeragaju buto junicu. <sup>11</sup>Yu baja berocu ado bajiro yure gotiquī ī:

—“Co butu gāna ruyabeto, co sita gāna ruyabeto, co oca ruyabeto busirāre, ito yicōri ɸjarā ñarocōreti ado bajiro rētarō wado yiroja”, Dios ĩ yire gaye mɸcana tɸdi goti quenore ña mɸre, yiquĩ ángel yure yɸ cāirojɸ.

### Júarā busi ejabuari masa gaye

**11** <sup>1</sup>Ito yija bero cōiara jāi, yoari jāi yure ĩsiquĩ. ĩsicōri ado bajiro yure gotiquĩ ĩ:

—Īmo, āmiña. Yɸ ya wire yure rɸcɸbuorā masa ĩna minjuara wire cōiatēña. Yure ĩna soe ĩsira casabore cɸni cōiama. Ito yicōri yure rɸcɸbuorāre cōiama.

<sup>2</sup>Yɸ ya wi riojo ñari tɸcurore cōiabeja. Yure boca āmimena ya tɸcuro ña iti tɸcuro. Yɸ ñarā meje ñama ĩna. Udia rodo gaje rodo gudarecocō yɸ ya cɸto ñeñaro yi ucurā yirāji ĩna. <sup>3</sup>Ito bajiri júarā yɸ gaye busirā yure busi ejabua waronare cōagũ yigɸja yɸ. Udia rodo gaje rodo gudarecocō yɸ gayere busi ñarā yirāji ĩna. Bojori bujarā ĩna sãñarise sãñarā yirāji ĩna, yiquĩ Dios yure.

<sup>4</sup>Adi macārucuro Ujɸ Dios riojo, olivos wame cɸtiricɸ jɸagɸ ña. Ito yicōri jeobusuora tutu jɸa tutu ña. Iti robo bajiro bajirā ñama júarā ĩre busi ejabuarā. <sup>5</sup>Īna wajanare ĩna ñeñaro yi āmoja, ĩna ya riserina jea bucā ĩna. Ito bajiro yicōri ĩna wajanare soe jeocā ĩna. No ĩnare ñeño āmorāre ito bajiroti soecā ĩna. <sup>6</sup>Ide quedire ĩna āmobeja, idere camota masirā ñacā ĩna. Dios gaye ĩna riasoroca ide quedibe yirona camotacā ĩna. Idere rĩ iti godo wediroca yi masirā ñacā ĩna. Ito yicōri adi sita ñarise jeyaro iti juniroca yi masirā ñacā ĩna. Īna āmorocō yisoticā ĩna itire.

<sup>7</sup>Diore ĩna busi ejabuarise gajanoaroca susabiti goje gagɸ gujogɸ ĩna tɸ mɸja ejaquĩ. Īnare ñia rētocuquĩ ĩ. Ito yicōri ĩnare siaquĩ ĩ. <sup>8</sup>Īnare siacōri jaja cɸto ma gudareco ĩna ya rujurire cūquĩ susabiti goje gagɸ. Mani Ujɸre ĩna siara cɸto ñacu iti cɸto. Iti cɸto gāna ñeñaro yirā ñari Sodoma cɸto gāna, ito yicōri Egipto gāna bajiro bajirā yicā ĩna. <sup>9</sup>Udia rɸmɸ gaje rɸmɸ gudarecocō majɸ Diore busi ejabuari masa ya rujuri cūñacu. Masa jeyaro, co butu gāna ruyabeto, co oca ruyabeto busirā, co sita gāna ruyabeto ĩna ya rujurire ticā. Īna yuje āmobarocati masare camota ñaquĩ susabiti goje gagɸ. <sup>10</sup>Busi ejabuari masa júarā ĩna godaja ticōri, wanucā adi sita gāna. Wanusará ñarā basa menicā ĩna. Ito yicōri waja manoti gāmeri gajeoni ĩsicā ĩna. “Īna júarā Diore busi ejabuari masa tɸdi manire ɸsirioro yimenaji”, yi tɸoiarā wanucā iti cɸto gāna.

<sup>11</sup>Ito bajibobarocati udiā rɸmɸ gaje rɸmɸ gudarecocōti ĩre busi ejabuarā júarā tɸdi ĩna catiroca yiquĩ Dios. Ito bajiro ĩ yijare wɸmɸ rɸgũcā ĩna. Īnare ti ñabojana ĩna wɸmɸ rɸgũja, ti ɸcacā. <sup>12</sup>Ito yija bero oca seoro ũmacɸjɸ oca ruyucɸ ĩna júarāre:

—Adojɸa mɸja waya, yire gaye oca ruyucɸ ĩnare.

Ito yija bero ide buerina mɸja wacā ĩna ĩja. Ito bajiro ĩna mɸja waja, ĩna wajana ñabojana ĩnare ticā. <sup>13</sup>Īna mɸja warocati adi sita bɸto ɸecɸ. Iti cɸtore mil wiri iti ñaja, cien ñari wiri juja quedicɸ. Sita ɸerisena siete mil ñarā masa godacā. Gājerā cati rɸyarā ti ɸcacōri guicā ĩna. Ito bajiri ũmacɸjɸ gagɸ Diore rɸcɸbuocā ĩna.



<sup>14</sup>Ito bajiro rētarise adi rāca masa ñna tōbujarise juaji rētasuocu. Noco mejeti mucana masa ñna tōbujaroti rētacu.

### **Jua āmojeno ñagū Dios ñaro gagu ī jutire gaye**

<sup>15</sup>Ito yija bero susagu jua āmojeno ñagū ángel jutiquī. Ī jutirocati ūmacūju oca sēorise ruyucu yu tūoja. Ado bajiro yi ruyucu iti:

Adi macārucūro gāna ñajediro rotirona ñama Dios mani Uju, ito yicōri Cristo cūni. Ujarā roti masirā ñatīñarā ñarā yirāji ñna, yire oca ruyucu ūmacūju yu tūoja.

<sup>16</sup>Ito yiroca veinticuatro ñarā bēcūrā Dios riojo uju ya cumuroriju rujirā ñini rūjūcōri sitaju ñna ya rio muqueacā ñna. Ito bajiro yicā ñna Diore rūcubhorā. <sup>17</sup>Ado bajiro būsī ruyucā ñna:

Guare queno ya gua Uju mū. Rētoro masigū ña Dios mū. Ñimū gāji mū robo masigū mami. Iti rūmūju gagu ña mū, adocāta gagu cūni. Ijariju cūni ñatīñagū yigūja mū. Buto masigū ñari adocāta masare rotisūoa mū. Ito bajiri, “Queno ya mū”, ya gua mure.

<sup>18</sup>Mure masimena co sita gāna ruyabeto mure ti junisinicā ñna. ñna tōbujaroca mū yira rūmū ejacoaju ĩja. Ito yicōri godarāre waja mū seniri rūmū ejacoaju. Mure moa ĩsicōri ñna mure goti ĩsire waja, waja yira rūmū ejacoaju ĩja. Mū ñarā mure rūcubuoanare mū waja yira rūmū ejacoaju. Ñasarā, ñasa menare cūni mū ñarā ñna ñajare ñnare waja yigu yigūja mū. Ito yicōri adi sita gānare ñeñaro yirāre mū ruyuroroti rūmū ejacoaju, yicā veinticuatro ñarā bēcūrā Diore rūcubhorā.

<sup>19</sup>Ito yija bero ūmacūju Dios ya wi iti janaja ticu yu. Iti wi totiju Dios ĩ rotirise sãñari jedo iti ñaja ticu yu. Iti yu tirocati bujo jaquī. Ito yicōri buto basiquī. Iti wato guijorise ruyucu. Sita cūni uecu. Ito yicōri ide bura cujiri guijoro jaje quedicu.

### **Romio tū jino robo bajigu bucū ī ejare gaye**

**12** <sup>1</sup>Ito bero ūmacūju ijariju rētaroti ruyucu yure. Ūmacañi ī yorise bajirise saya sãñacō iso romio. Ūmacañi ñami gagu joe rūgōcō iso. Iso ya jesara bedoju jua gubojeno ñocōa ñacā. <sup>2</sup>Macu sãñagō ñacō iso. Ito bajiri macu cōgō awasācō. Iti junijare oca jai ñacō iso. <sup>3</sup>Ūmacūju ĩja rētaroti gaye gaje ruyucu. Iso tū jino robo bajigu sūagū bucū ñaquī. Jua āmojenogāri rijoga cutiquī ĩ. Jua dūjamocō saburi sabu cutiquī. Ito yicōri co rijoga ruyabeto jesara bedo jesaquī. <sup>4</sup>Ñocōare gudareco adojua busacō ĩ ya jotiana ja ñajōquī ĩ. Ito bajiri sitaju quedi queacā ñna ñocōa. ĩ jino robo bajigu bucū, macu cōgō tū tujaquī. “Ī rujearocati ĩre bacūja”, yirocu tujaquī ĩ. <sup>5</sup>Ito ĩ yiroca ūmugū macu cuticō iso. Masa jeyaro Uju ñarocu ñaquī ĩ. Dios ĩ cūrū ñari sēoro roti masiquī. Iso rūcoja bero uju ya cumuro Dios ĩ rujiro tū ĩre āmi ejačā ñna. <sup>6</sup>Ito yirocati masa manojū rudicoacō macuacā jaco. Itoju iso ñarotiju ñacācu Dios ĩ cūraju. Itoju mil doscientos sesenta rūmūri codequī Dios isore.

7 Ito yija bero ũmacũju ĩna gãmeri sĩaja ticu yu. Ángel mesa Miguel uju rãca ñarã, ángel mesa ñagoana jino robo bajigu bucu ñarã rãca gãmeri tãcã ĩna. 8 Miguel mesare rētocũbiticã ĩna. Ito bajiri ũmacũju Dios tu ña masibiticã ĩna ĩja. 9 Ito bajiro ĩna yijare jino robo bajigu bucuere bucõaquĩ Dios. Dios ĩ bucõaruti ñami rũmúa uju Satanás wame cutigu. ĩti ñami jane mejeju jino robo godo wediru. ĩti ñami masa jeyarore ruogu. ĩ ñarã Dios tu ñagoana rãcati bucõaquĩ Dios adi sitaju ĩna ñatoni.

10 Ito yija ũmacũju oca sēoro ado bajiro ruyucu:

—Masare masorocu ñacãmi Dios ĩja. Ito bajiri mani Uju ñarocu ñami ĩ. ĩ masirise cuni ĩorocu ñacãmi. ĩ Macu Cristo cuni ĩ masirisena rotirocu ñacãmi. Rũmúa ujure bucõacacu ñami ĩ. ĩ bucõaruti ñami Cristore tuorũnurãre oca menigũ. Ũmua, ñami cuni Dios ĩ tiro riojo mani ñarãre oca meni amobojagu, “Seti cutiama ĩna”, yisotibojami ĩ Diore. 11 Mani ñarãjua ĩre rētocũcã ĩna. “ĩ ya rĩna mani ñeñaro yirisere coe jeogu yiguĩji Oveja Macu”, yi tũoĩacõri rũmúa ujure rētocũcã ĩna. “Cristo oca mani riasoja ticõri, manire sĩarã yirãji”, yi tũoĩa guĩbiticã ĩna. “Manire ĩna sĩa amobojarocati Dios ocare jidicãmenaji mani”, yi tũoĩacã ĩna. Ito bajiro yicõri rũmũre rētocũcã ĩna. 12 Rũmũre ĩna rētocũja ticõri, wanũña ũmacũju gãna mua. Mua adi sita gãnareama bujato bajiro yiroja. Mua riaca jajosa gãnare cuni bujato bajiro yiroja. Mua tuju rujicoami rũmũ ĩja. Ito bajiri bujato bujarã wana ya mua. “Yoari mejeti yu tũbujaroca yigu yiguĩji Dios”, yirocu bũto junisiniami rũmũ adocãta, yi ruyucu oca ũmacũju.

13 “Adi sitaju cõami Dios yũre”, yi ti masicõri, romio macu rucorore sayaquĩ jino robo bajigu bucu. 14 Isore ĩ sayabojarocati ga caero jua caero curise bucu isore isicã ĩna iso wũtĩtoni. Ito bajiri masa manõju iso ñaroju jinore wũti rudi wacõ iso. Itoju udiã rodo gaje rodo gudarecocõ isore bare ecacõri tirũnu ñaquĩ Dios. 15 Iso rudija ticõri, isore sĩa amõquĩ jino robo bajigu. Ito bajiri ĩ ya risena ide buquĩ isore rurocu. 16 Ito bajiro ĩ yibojarocati sita ejabuacu isore. Rũmũ ide ĩ bubojare sitati udi amĩ jeocõcu. 17 ĩti ito bajija ticõri, bũto romiore junisiniquĩ jino robo bajigu. Isore sĩa masibiticõri iso janerãbatiare tãgũ waquĩ rũmũ. ĩna ñama Dios rotirise cudirã. Ito yicõri Jesucristo oca tuorũnu sayarã ñari bojomenati masare goti batorã ñama ĩna. 18 ĩnare sĩa amõgũ jino robo bajigu riaca jajosa tũnima jajuju bocati ñacãquĩ ĩ, yu cãiroju yu tija.

### Jũarã guijorã tiya mana gaye

**13** 1 Ito bero yu cãiroju sigũ guijogu tiya macu ĩ maja wadija ticu yu. Jua amõjenogãri rijogari cutigu ñaquĩ ĩ. Jua dujamocõ saburi cutiquĩ ĩ. Co saburi ruyabeto come bedori jesacu. ĩ ya riowecariju wame wãñacu. Wame ñeñarise iti ñajare itire ti te ñaquĩ Dios. 2 ĩ guijogu yu ticacu, yai robo bajiro bajiquĩ. Oso wame cutigu bajiro curise gũbo cutiquĩ ĩ. Yai jaigu bucu robo bajiro rise cutiquĩ ĩ. Guijogũre queno ĩ masiroca yiquĩ jino robo bajigu. Ito yicõri ĩ rujiri cumuroju ĩre rojoquĩ guijogũre. Ito yicõri masare ĩ roti masiroca yiquĩ jino robo bajigu. Ito bajiri jino robo bajigu bajiroti roti masiquĩ guijogu cuni. 3 Guijogu

coga ï ya rijogaju ïre ïna sïabojare cami cutiquï ï. Ï ya cami yaticoayija yu tija. Ï catija ticõri, adi sita gãna ñarocõti ïre ti ucacã. Ito bajiri ïre rÛcubuo sayacã ïna. <sup>4</sup>Guijogu ï roti masiroca jino robo bajigu ï yijare, jino bucujare rÛcubuoã masa. Ito yicõri guijogure cuni rÛcubuoã ïna. ïre rÛcubuoãrã ado bajiro yicã ïna:

—Ñimũ gãji ãni guijogu robo bajigu mami. Ñimũ gãji ïre tã rÛcubuoã mami, yi rÛcubuoã masa guijogure.

<sup>5</sup>“Yu ña rÛtoro ñasagu. Ñimũ gãji yu robo bajigu maquiji”, yiquï guijogu. Ito yicõri Diore ñeñaro busituquï ï. Cuarenta y dos ïmacañicõ roti ñaquï ï. Ito bajiro ï yija ticõaquï Dios. <sup>6</sup>Dios ï tũoro riojo ïre busituquï ï. Dios wamere ñeñaro busiquï ï. Dios ya wire cuni ñeñaro busiquï ï. Ito yicõri ïmacũju gãnare cuni busituquï ï. <sup>7</sup>Dios ñarã rãca gãmeri tãcõri ïnare rÛcubuoãquï ï. Ito bajiro ï yibojarocati ticõaquï Dios ïre. ïre rÛobitiquï Dios maji. Ito bajiri co butu gãna ruyabeto, co cuto gãna ruyabeto, co oca ruyabeto busirã, ito yicõri co sita gãna ruyabeto roti ñaquï guijogu. <sup>8</sup>Adi sita gãna ñajediro ïre rÛcubuoã jedicã ïna. Adi macãrucũrore Dios ï rujeoroto riojaju, “ãna ñama yu ñarã, catitĩnarona”, yiaru wame wõcãni ï ya papera tutiju. Iti tutire rucogu ï ñami Oveja Macu, ïna sïaru. Iti tutiju wame wãñamena guijogure rÛcubuoã ïna, yu cãiroju.

<sup>9</sup>No gãmo goje cutirã tũoya. <sup>10</sup>“Seti cutirã ñama ïna”, ïna yi ñia ãmi warãma, tubiara wijũ ãmi warã yirãji. Ito yicõri, “Seti cutirã ïna ñajare sarera jãina ïnare sïaja quena”, ïna yianare sarera jãina sïarã yirãji ïna. Ito bajiri mani Dios ñarã ñari mani tõbujabojaja cuni tũoia usirio yibitiruja manire. Ito yicõri Diore tũorũnu jidicãbitiruja manire.

<sup>11</sup>Ito yija bero gãji guijogu sitaju ï joeja wadija ticu yu. Jua sabu mutacã oveja macu saburiacã robo bajiro sabu cutiquï ï. Ito bajibojarocati jino oca robo bajiro ruyucu ï busija. <sup>12</sup>Cajero gagu guijogu ï bero gagure ï robo bajiroti ï roti masiroca yiquï ï, ïre. Ito bajiri masa ïna sïabojaru cami cutigure masa ïre rÛcubuoãroca yiquï ï, bero gagu. <sup>13</sup>Ï cuni masa tiro riojo guijorise tiyamani ïoquï. Masa ïna tiro riojo ïmacũju gaye jea ïjarise jacaju iti quedi quearoca yiquï ï. <sup>14</sup>Ito bajiro masa ïna tiro riojo tiyamani ï ïoja, ïnare rucogu yiquï ï. Cajero gagu guijogu ï ñaroca riti tiyamani ïsotiquï ï bero gagu. Cajero gagu guijogu ruju robo bajiro masare meni rotiquï bero gagu. Cajero gagu guijogu ï ñaquï sarera jãina ïna cami menibojaru. Ï ya ruju robo bajiro masare meni rotiquï bero gagu. <sup>15</sup>Masa ïna meni rujeoja ticõri, ïna menirure catiocõri ï busiroca, bero gagu guijogu ï yi masiroca yiquï cajero gagu guijogu. Ado bajiro gotiquï ïna meni rujeoru: “Yure rÛcubuoãmenare sïaja quena”, yi rotiquï yu cãiroju. <sup>16</sup>Ito yija masa ñajedirore ïna ya ãmo riojocadujare, ito yicõri ïna ya riowecare wame wõ rotiquï ï. Ñasari masa, ñasamenare cuni, niyeru jairã, bojoro bujarã, queno ïna ãmoro robo ñarãre cuni, gãjerãre moa ïsiri masare cuni ïna ñarocõreti wame wõ rotiquï ï. <sup>17</sup>Waja ãmorã ïna ïsi ãmobarocati gãmeri ïsire manicu, wame wãñamenare, ï rÛojare. Guijogu wame ito yicõri ï ya nũmero wãñamenare waja gãmere manicu ïnare.

<sup>18</sup>“Ito bajiro yireoni ña iti número”, mani yi masi ãmoja, queno itire riasotija quena. Iti número ñmugũ wame yireoni ña. Ado bajiro bajicũ iti número, seiscientos sesenta y seis ñacũ.

### Dios ĩ masoana ĩna basare gaye

**14** <sup>1</sup>Ito bajija bero Sión wame cutiri buro joe, Oveja Macure ĩ rügõja ticũ yũ. Ciento cuarenta y cuatro mil ñarã ñacã masa ĩ rãca. ĩna ya riowecarijũ Oveja Macũ wame, ito yicõri ĩ Jacũ wame wãñacũ ĩnare. <sup>2</sup>Ito bero ũmacũjũ oca ruyucũ. Gũta iti udiro bajiro, bujo buto ĩ jaro bajiro, ito yicõri arpa wame cutirise jãjarã basa ĩna meniro bajiro ruyucũ. <sup>3</sup>Juararã tĩñaña mana catirã, ito yicõri veinticuatro ñarã bucũrã Dios rotira cumuro tũ ñacã. ĩna riojo ciento cuarenta y cuatro mil ñarã mame basa sãcã ĩna. Adi sita gãna Dios ĩ masoana riti basa sãa masicã itire. <sup>4</sup>Ĩna ñacã romia rãca ajeĩamena. Ñeñaro yi ãmobicõri romiare ajeĩabiticã ĩna. Oveja Macure cudicõri no ĩ warojuũ ĩ rãca wacã ĩna. Adi sita gãna Dios ĩ masoana ñacã. Ito bajiro bajirã ñari ĩna ñacã cajero Oveja Macũ ñarã, ito yicõri ĩ Jacũ ñarã ñasũoana. <sup>5</sup>Ĩna wato sigũ socagũ maniquĩ. Dios ĩ tiro riojo seti mana ñacã ĩna.

### Dios ñaro gãna udiarã

<sup>6</sup>Ito bero gãji ángel ũmacũjũ ĩ wutija ticũ yũ. ĩ ñaquĩ, “Masare masogũ yiguĩji Dios”, yire oca gotigũ. Wasoa ecobeto yiroja iti ñatĩnaroti ñari. Co sita gãna ruyabeto, co butu gãna ruyabeto, co oca ruyabeto busirã, ito yicõri co cuto gãnare ruyabeto iti oca busirocũ ñaquĩ ĩ. <sup>7</sup>Ado bajiro sẽoro busi ruyucuĩ ĩ:

—Jeyaro masigũ Dios ĩ ñajare, ĩre gũija quena. Ito yicõri ĩre rũcũbuoja quena. Masa ĩna ñeñaro yirise waja, waja senira rumũ ejacoaju ĩja. Dios ĩ ñami ũmacũjũ, jacaju cuni, riacari, ide ũmaburijuri cuni menirũ. Ito bajiro yirũ ĩ ñajare ĩre rũcũbuoja quena, yi ruyucuĩ ángel ũmacũjũ.

<sup>8</sup>Ito bero mucana gãji ángel ĩ wutija ticũ yũ. Ado bajiro busi ruyucuĩ ĩ:  
—Babilonia wame cutiri cutore, ito yicõri iti cuto gãnare cuni ruyuricuĩ Dios. Babilonia gãna gãjerã ĩna ñeñaro yitoni usirio codecã ĩna. Sigũ uyé ide queagu ĩ usirio codero bajiro yicã ĩna, yi ruyucuĩ ángel.

<sup>9</sup>Ito bero gãji ángel ticũ yũ. ĩna udiarã ticũ yũ jeyaro. Ado bajiro oca sẽoro busi ruyucuĩ ĩ:

—Guijogũre rũcũbuorãre ĩna tũbujaroca yigũ yiguĩji Dios. ĩ ya rujũ ĩna meni rujeorũre rũcũbuorãre cuni ĩna tũbujaroca yigũ yiguĩji Dios. ĩ wamere ĩna ya ãmoju, ĩna ya riowecaju wõ rotirãre ti junisinigũ yiguĩji Dios. Ito bajiri ĩna tũbujaroca yigũ yiguĩji ĩ. <sup>10</sup>Ado bajiro baja iti. Uyé ide, ide wũoya mani buto rĩarise ñacũ. Iti uyé ide buto rĩarise wũoya mani robo bajiro buto ĩna tũbujaroca yigũ yiguĩji Dios. No guiogũre rũcũbuorãre jeame ũjuroju cõagũ yiguĩji Dios. Jeana, azufre wame cutirisena cuni tũbujarã yirãji ĩna. Oveja Macũ ĩ tiro riojo ángel mesa ĩna tiro riojo cuni tũbujarã yirãji ĩna. <sup>11</sup>Ĩna uarime gaye bueri buetarojobetoja. Ito bajiri guiogũre rũcũbuorãre ĩna

tõbujarise jedibeto yiroja. Ìna meni rujeorure rũcũbuorã, ito yicõri ì wame wõ rotiana cuni ito bajiroti tõbujarã yirãji ìna. <sup>12</sup>“Ito bajiro tõbujarã yirãji ìna”, yi tũoĩacõri, Dios rotirisere queno cũdiba mũa, ì ñarã ñari. Jesure tũorũnu jidicãbeja mũa. Mũa tõbujabojaja cuni usiriobeja, yi ruyucuĩ ángel ùmacũju.

<sup>13</sup>Ito yija bero gaje oca ruyucu yũre ùmacũju. Ado bajiro yũre yi ruyucu iti: —Yũ mũre gotirisere ucaya. No Diore tũorũnu jidicãmena ìna godabojaja cuni wanũ quenarã yirãji, yi ruyucu oca yũre.

Gaje ado bajiro yi ruyucuĩ Espĩritu Santo:

—Riti baja. Ìna moarise jidicãcõri, tujacãrã yirãji ìna. Ùmacũju ìna ejaroca queno ìna yigorere waja yigũ yiguĩji Dios ìnare, yi ruyucuĩ Espĩritu Santo.

### **Diore tũorũnurãre miojucõri ì ãmire gaye**


<sup>14</sup>Ito yija ide bueri queno botirise ticũ yũ. Ide bueri joe Masa Rĩjorũ robo bajigũ rujiqũ. Oro bedo jesaquĩ ì. Ì ya ãmoju yoara jãĩ odiri jãĩ rũcoquĩ ì. <sup>15</sup>Ito yija gãji ángel Dios ya wiju ì budija ticũ yũ. Ide bueri joe rujiũgure oca sũoro ado bajiro bũsi ruyucuĩ ì:

—Macãrũcũro rica boticoaju. Rica ãmiraju ejacoaju ìja. Ito bajiri ricare jata ãmiña ìja, yi bũsi ruyucuĩ ángel.

<sup>16</sup>Ito ì yija tũocõri, ide bueri joe rujiũgũ ìre tũorũnurãre miojucõri ãmiqũ. Ricare jata ãmigũ robo bajiro yiquĩ ì.

<sup>17</sup>Ito bero ùmacũju Dios ya wiju ángel gãji budiquĩ mũcana. Ì cuni yoara jãĩ odiri jãĩ rũcoquĩ. <sup>18</sup>Ito bero gãji ángel Diore ìna soe ìsisotira casabo jea codegũ budiquĩ. Odiri jãĩ rũcogũre sũoro ado bajiro bũsi ruyucuĩ:

—Macãrũcũro gaye uyẽ ñicoaju ìja. Ito bajiri mũ ya yoara jãĩ odiri jãina jata ãmiña, yi bũsi ruyucuĩ yũ tũoja.



(Apocalipsis 14.18)

<sup>19</sup>Ito ĩ yija tuocōri, ĩ ya yoara jāina adi sita ricare jata āmiquĩ ĩ. Āmicōri iti ide bijerotijũ cūquĩ ĩ. “Masa ĩna ñeñaro yirise ti junisinicōri bũto ĩna tōbũjaroca yigũ yiguĩji Dios”, yireoni ña iti. <sup>20</sup>Cũto sōjuajũ ide bije ecocu iti ñyé. Iti bijeja riaca robo bajiro wacũ rí. Trescientos kilómetrocō yoacũ itiya riaca. Cabaru ya wayugacō ũcacũ itiya.

### Jua āmojeno Dios ñaro gāna ñarise rucorā

**15** <sup>1</sup>Ito bero mucana ũmacũju tiyamani guijorise ticũ yũ. Ángel mesa jua āmojeno ñarāre ticũ yũ. Ija rētaroti gaye jua āmojeno ñarise ĩna rucōja ticũ yũ. Iti ñacũ masa ĩna ñeñaro yirisere ti junisinicōri ĩna tōbũjaroca Dios ĩ yisũsaroti.

<sup>2</sup>Ito yija riaca jajosa ide ruyurisa, jea wũsarisa ticũ yũ. Itiya tũ masa jājarā ĩna rŭgōja ticũ yũ. ĩna ñacā guijogũre, ito yicōri ĩ rujũre bajiro masa ĩna meni rujeorũre rētocũana. ĩna ya riowecare guijogu ya número wāñarā meje ñacā ĩna. Riaca jajosa ide ruyurisa tũ rŭgōcā ĩna. Arpa wame cŭtirise basa ejabũare Dios ĩ ĩsire rucocā ĩna. <sup>3</sup>Moisés Diore moa ĩsiri masũ ñayoru ĩ basayore basacā ĩna. Oveja Macũre wanũrā ado bajiro basacā ĩna:

Dios, mũ ña rētoro masigũ. Ñimũjua gāji mũ robo masigũ mami.

Jeyaro mũ rujeore ticōri, quenarise iti ñaja, ti ũca gũa. Jeyaro mũ yirise quenarise ña. “Ado bajiro yigũ yiguja yũ”, mũ yija, yiro robo yigũ ña mũ. Co sita gāna ruyabeto, masa jeyaro Uju ña mũ.

<sup>4</sup>Noajua mũre güimena mama ĩna. Ito yicōri noa mũre rŭcũbuomena mama. Mũ sĭgũti ña coji ñeñaro yiĩabicũ. Queno mũ yirisere ticōri, masa jeyaro mũre rŭcũbuorā yirāji, yicā Oveja Macũre basarā.

<sup>5</sup>Ito bero ũmacũju Dios ya wi iti janaja ticũ yũ. Ito yicōri Dios ĩ ñari sōa iti janaja ticũ yũ. <sup>6</sup>Itojũ Dios ya wijũ jua āmojeno ángel ñarise rucorā ĩna budija ticũ yũ. Yutabuju ũeri manĩ queno botirise sãñacā ĩna. Ito yicōri ĩna ya wēñura wiro oro gaye ñacũ. ũsi riojocō susacũ iti wiro. <sup>7</sup>Ito yija sĭgũ juariarā ñagũ tĩñaña macũ jua āmojeno ángel mesare oro tērori ĩnare ĩ ĩsija, ticũ yũ. Ija masa ĩna tōbũjaroca Dios ĩ yiroti dajacoacũ iti tērorijũ. Dios ñami catitĩñagũ. <sup>8</sup>ĩ ĩsirocati Dios ĩ ñasarisenã, ĩ masirisena cũni jea bueri bue dajacoacũ Dios ya wi ĩja. Iti bueroca ñimũjua sãjado manicũ. Jua āmojeno ángel mesa ñarise rucorāre masa ĩna tōbũjaroca yi rotiquĩ Dios. Dios ĩ rotiado bajiroti ĩna gajanoabeja ñimũjua sãjado manicũ Dios ya wijũ maji.

### Ñarise sãñari tērori

**16** <sup>1</sup>Ito bero oca sēoro Dios ya wijũ iti ruyuja tuocũ yũ. Ado bajiro jua āmojeno ángel mesare busi ruyucũ iti:

—Masa ĩna tōbũjatonĩ mũa rucori tērori sita joere jio queoya. Iti ña, masa ĩna ñeñaro yirisere Dios ĩ ti terise, yi ruyucũ ũmacũju.

<sup>2</sup>Ito yija cajero gagu ángel i rucori tēro sita joe jio queoquī. Ito bajiro i yirocati guijogu ya ruju bajiro ina meni rujeorure rucubnocōri i wame wānarāre ina ya rujūrire cami joeacu. Buto cuni junirise nacu iti cami.

<sup>3</sup>Ito bero jūarā nāgū ángel i rucori tēro riaca jajosaju jio roaquī. I jio roarocati, rí godo wedicu ide. Godaru rí robo bajirise nacu iti. Riaca jajosa gāna nārocōti goda jedicoacā.

<sup>4</sup>Ito bero gāji udiarā nāgū ángel riacariju ide ūmaburi gojeriju cuni jio roaquī. Ito i yirocati rí godo wedicoacu iti riacari. <sup>5</sup>Ángel ide codegu ado bajiro busi ruyuquī:

—Dios, mu ña ñeñaro yīabicu. Jane mejeju gagu ña mu. Ito yicōri adocāta gagu cuni ña mu. Masa ina ñeñaro yirisere ti junisinicōri rí godo wediroca mu yija, quena ña. <sup>6</sup>Mu ñarāre rí budiroca yicā ina. Ito yicōri inare siacā ina. Ito yicōri mure goti isiri masare ito bajiroti yicā ina. Ito bajiri ina rí idiroca mu yija, ito bajiroti quena inare, yi ruyuquī ángel ide coderi masu.

<sup>7</sup>Ito yija bero Diore soe isira casaboju oca ruyucu:

—Riti ña. Ito bajiroti bajia. Rētoro masigū ña yu Uju Dios mu. Nīmu gāji mure bajiro masigū mami. Queno ti masigū ñari, masa ina ñeñaro yiadocōti riojo waja senia mu, yire oca ruyucu Diore soe isirā casaboju.

<sup>8</sup>Ito bero jūariarā nāgū ángel ūmacañi joere jiojeoquī i rucori tērore. Ito bajiro i yirocati i asirisena masare soequī ūmacañi. <sup>9</sup>Ito bajiri buto masare soequī i. Ito bajiro i yibojarocati, ina ñeñaro yirise jidicābiticā ina. Ito yicōri Diore cuni rucubnobiticā ina. Ado bajirojua yicā ina. Dios ñarise rēto masigūre busitucā ina.

<sup>10</sup>Ito yija bero co dujamocō nāgū ángel i rucori tēro guijogu i rotiri cumuro joe jiojeoquī. Ito i yirocati guijogu i rotiri sitare, ito yicōri i ñarāre cuni nārocōti rāitīacoacu. Buto juni wisirā ina ya ñemeroriti cuni canamucā ina. <sup>11</sup>Ito yibojarocati ina ñeñaro yirisere jidicābiticā ina. Ina cami cūtiroca Dios i yijare Diore busitucā ina.

<sup>12</sup>Ito yija bero co āmojeno nāgū ángel i rucori tēro Éufrates wame cutirisaju jio roaquī. Ito i yirocati riaca caracoacu, ūmacañi joejea wadiri duja gāna ujarā ina ya surara rāca ina jēa watoni.

<sup>13</sup>Ito yija bero rūmúa udiarā tūja robo bajirā ticu yu. Sīgū jino robo bajigu ya riseju budiru ñaquī. Gāji guijogu ya riseju budiru ñaquī. Gāji, “Diore goti isiri masu ña yu”, yibojagu ya riseju budiru ñaquī. <sup>14</sup>Ina rūmúa udiarā ñacā, tiyamani isotiana. Adi sita gāna ujarā nārocōti minijuacōri ina gāmeri tāroca yicā ina. Iti ñaro yiroja masa ina ñeñaro yirise waja jeyaro masigū Dios i senisusari ramu.

<sup>15</sup>Jesucristo i godaroto riojua ado bajiro yiyiju i: “Queno tuoiaña mu. Itocō ejagu yiguja yu, yibicuti, riniri masu i ejaro bajiro ejagu yiguja yu. No yu ejaroti gayere bocatirā, wanu quenarā yirāji ina. Ina ya yutabujuri rāca ñacārā bajiro bajirā yirāji ina. Wasoro macu gājerā riojo bojogu bajiro meje bajirā yirāji ina. Yure bocati yucārā ñari wanu quenarā yirāji inama”, yiyiju Cristo i godaroto riojua. <sup>16</sup>Ujarā minijuacōri ina gāmeri tārijū Armagedón wame cutiriju nacu Hebreo ocana.

<sup>17</sup>Ito yija bero jwaga ãmojeno ñagũ ángel ĩ rucori tẽro ũmacũju jio batequĩ. Ito ĩ yirocati ũmacũju Dios ya wi oca sẽoro oca ruyucu. Dios ĩ rotiri cumuroju ado bajiro oca ruyucu:

—Itocõti ña ĩja, yire oca ruyucu.

<sup>18</sup>Ito yirocati bujo borea yirise ñacu. Ito bero bujo busiquĩ. Ito yicõri guijorise ruyucu. Ito yicõri sita bũto uecu. Adi sita gãna masa ĩna ñaroca uere rẽtoro uecu. <sup>19</sup>Iti uerocati jaja cuto Babilonia wame cutiri cuto udiájũju bata rũgũcu. Ito bajiroti adi macãrucũro gaye cutori sita uerisena ruyuricõcu. Babilonia gãna ĩna ñeñaro yirere masi bujaquĩ Dios. Ito bajiri ĩnare junisinigũ ĩna ñeñaro yire waja ĩna tõbujaroca yiquĩ Dios. <sup>20</sup>Ito bajiroti ruja yogari cuni, gũta yucuri cuni goda jedicoacu. <sup>21</sup>Ito yija bero ũmacũju gaye ide bura kujiri quedicu. Cuarenta kilos rucuriscõ ñacu iti. Iti ĩnare quedi ejarise tõbujacõri bũto ñeñaro Diore busitucã masa.

### Wedi maso iso tõbujare gaye

**17** <sup>1</sup>Ito yija jua ãmojeno ñagũ ángel rujatẽro rucogoru yu tu ejaquĩ. Ejacõri ado bajiro gotiquĩ yure:

—Adojua waya. Bũto wedi maso ñeñaro iso tõbujaroti gaye mure ĩorocu ya. Iso ñamo riaca jajosa gaye ide joe rujigo. <sup>2</sup>Adi sita gãna ujarã ñeñaro yirã ñari iso rãca aje ñacã ĩna. Adi sita gãnare ĩna ñeñaro yitoni uyé ide iocõri ĩna ñeñaro yiroca yigo bajiro usirio codecõ iso, yiquĩ ángel yure.

<sup>3</sup>Yu cãiroju Espiritu Santo ĩ ĩore ado bajiro rõtacu. Sigũ ángel yucu manojũ yure ãmi waquĩ. Itojũ ejacõri guijogu sũagũ joe romio iso jesaja ticu yu. Dios ĩ ti terise wame wãñacu ĩre. Jua ãmojeno rijogari cutiquĩ ĩ. Ito yicõri jua ñujamocõ saburi cutiquĩ ĩ. <sup>4</sup>Saya iso sãñarise sũa ñirise, ito yicõri bũto sũarise cuni ñacu. Iso seyorise jaje gajeoni cuticõ iso. Iti ñacu oro, gaje gũta bũto waja cutirise, gaje perla wame cutirise. Iso ya ãmo oro tẽro rucocõ iso. Iti tẽroju ñeñaro iso yirise sãñacu. Ñeñaro iso ũmua rãca yi ajerise sãñacu iti tẽroju. <sup>5</sup>Iso ya rioweca tuo masia mani wame wãñacu. Ado bajiro bajicu iti wame: “Jaja cuto Babilonia wame cutigo ñamo adio. Wedi masa romia jaco ñamo adio. Ito yicõri ñeñarise jeyaro jaco ñamo adio”, yireoni ñacu iso ya rioweca wãñarise. <sup>6</sup>Ito yija, “Adioti ñamo Dios ñarãre sĩa rotigo. Jesure jidicãmenare sĩa rotigo ñamo. ĩnare rí buditoni mecucõri sĩa rotigo ñamo adio”, yi ti masicu yu. Itire ti masicõri mano ti ucacu yu.

<sup>7</sup>Ito bajiro yu baji ñaroca ado bajiro gotiquĩ ángel yure:

—¿Ñere ti ucati mu? Iso mu tiro, “Ado bajiro yireoni ñati adi”, mu yi masitoni mure goti rõtobugũ ya yu. Guijogu jua ãmojeno rijogari cuticõri jua ñujamocõ saburi cutigu isore ãmi waja mu tirũ, “Ado bajiro yireoni ñati adi”, mu yi masitoni mure goti rõtobugũ ya yu. <sup>8</sup>Guijogu mu tirũ iti rãmũju catiquĩ maji. Adocãtama ruyubeami ĩja. Ito bajiro bajibojaguti Dios ĩre ruyuriosaroto riojua susabiti gojena joejea muja wadigu yiguĩji. ĩ joejea ticõri, ĩre ti ucarã yirãji masa. ĩna ñarã yirãji macãrucũro Dios ĩ rujeoroto



riojuaju papera tuti ucagu, “Adocõ ñama catitĩñarã”, ï yi ucabitiana. Guijogu iti rumu catigoru, mucana tudi ï catija ticõri, ti ucarã yirãji masa jeyaro.

<sup>9</sup>Jĩu yu mure gotirise queno mu tuo masi ãmoja, queno tuoya. Jua ãmojeno rijogari cutigu mu tiru, gũta yucuri jua ãmojeno yucuri bajiro baja ita. Ita yucuri ña, wedi maso iso rujiriju. <sup>10</sup>Gaje ï ya rijogari jua ãmojeno ujarã bajiro baja. Co dũjamocõ ujarã ñabojana goda jedicoama. Ña bero gagu co ãmojeno ñagũ adocãta masare rotigu yami. ï bero gagu jua ãmojeno ñagũ ruyubeami maji. Ija ejacõri masare rotigu yiguĩji ï. Ito bajiro yibojaguti yoari ñabicu yiguĩji ï. <sup>11</sup>Ña bero rotigu ñagũ yiguĩji guijogu sũagũ iti rumu ñagoru. ï ñagũ yiguĩji sigũ co dũjamocõ ñarã godabojaguti mucana tudi catiru. ï tudi catija bero ire ruyuriosagu yiguĩji Dios ija.

<sup>12</sup>Jua dũjamocõ saburi mu tire, jua dũjamocõ ñarã ujarã bajiro baja ita. Masare rotisubeama ña maji. Ija guijogu sũagũ rãca rotirã yirãji ña. Ito bajibojarocati yoari mejeti rotirã yirãji ña. <sup>13</sup>Ña jua dũjamocõ ujarã ñabojarãti sigũre bajiroti tuoĩarã ñarã yirãji ña. Ito bajiri guijogu sũagũre rotiri masu curã yirãji ña. <sup>14</sup>Sigũre bajiro tuoĩacõri Oveja Macu rãca gãmeri tarã yirãji ña. Ito bajibojarocati ijuã ñare rãtocũgũ yiguĩji. Gãjerã ñasarã rãtoro ñasagu ñami ï. Ito yicõri gãjerã ujarã uju rãtoro ñasagu ñami ï. ï rãca gãna Dios ï beseana ñama ña. Ito yicõri ire tuorũnu jidicãmena ñama ña. Ito bajiri ña Uju Oveja Macu rãca gãjerãre rãtocurã yirãji ña, yiquĩ ángel yure.

<sup>15</sup>Ito yija gaje ado bajiro gotiquĩ ángel yure:

—Riaca jajosa joe wedi maso iso rujirise mu tija, masati ña ita. Co cuto ruyabeto gãna, co masa butu ruyabeto gãna, co oca ruyabeto busirã, ito yicõri co sita ruyabeto gãna ñama ña mu tirise. <sup>16</sup>Jua dũjamocõ ujarã guijogu sũagũ rãca mu tiana, wedi masore ti tudirã yirãji ña. Saya manoti sigõti isore wãgorã yirãji ña. Ito yicõri tudi iso ya rujure barã yirãji ña. Ito yicõri iso ya goarire jeana soe ruyuriorã yirãji ña. <sup>17</sup>ĩ amorise rãtatoni, “Ado bajiro yiana mani”, yi ña tuoĩaroca yigu yiguĩji Dios. Sigũre bajiro tuoĩacõri guijogu sũagũre uju curã yirãji ña. Ito bajiro ña yija Dios ï amorõ bajiroti rãtoro yiroja. <sup>18</sup>Wedi maso mu tiro, cuto jaja cuto robo bajiro baja ita. Ita cuto gagu uju gaje cutori gãna ujarãre roti ñagũ yiguĩji ï, yiquĩ ángel yure yu cãiroju.

### Babilonia cuto gãnare gãjerã ña rãtocũre gaye

**18** <sup>1</sup>Ito yija bero umacũjuna gãji ángel ï ruji wãdija ticu yu mucana. Buto roti masigũ ñaquĩ ï. Buto yogu ï ñajare adi sita busu jedicoacu. <sup>2</sup>Oca seoro ado bajiro awasãquĩ ï:

—Jaja cuto, Babilonia wame cutiri cuto ñabojara cuto ñeñacoaju ija. Ita cuto gãna masa goda jedicoama ña. Rũmũa cuto ña ija. Ito yicõri masa ña busigore, wũjo cutiri cuto ña ija. Wãtirã buorise barã ña ñaro ña ija. <sup>3</sup>Ado robojua baja: Babilonia cuto gãna buto ñeñaro ña yirise ticõri, ñeñaro yicã gãjerã cuni. Ito yicõri adi sita gãna ujarã Babilonia cuto gãna wedi masa romia rãca ñeñaro yicã ña. Babilonia cuto gãna buto ña gajeoni ãmojare

ĩnare gajeoni ĩsicõri queno bujacã gaje cutori gãna. Ñeñaro tuoĩarã ñari ito bajiro riti ñeñarise yicã Babilonia cuto gãna. Ito bajiro ĩna bajija ticõri, ĩnare ruyuriogu yiguĩji Dios, yiquĩ ángel yure yu cãiroju.

<sup>4</sup>Ito yija mucana ũmacũju oca ruyucu yure. Ado bajiro goti ruyucu iti:

—Iti cutore budigoya yu ñarã mua. Iti cuto gãna rãca ñabesa. Ito yicõri ĩna rãca ñeñaro yibesa. ĩna rãca ñeñaro mua yija, ĩna tõbujado robo bajiro ñeñaro tõbujarã yirãji mua cuni. <sup>5</sup>Iti cuto gãna jaje ñeñaro yicã. ĩna ñeñaro yirise mio cũaja, macãrucũroju tuacoaroja. ĩna ñeñaro yirisere tuo bujacoami Dios. Ito bajiri iti waja ĩna tõbujaroca yigu yiguĩji ĩ. <sup>6</sup>Gãjerãre ñeñaro ĩna yire waja, buto busa ñeñaro tõbujajaro ĩna cuni. ĩna ñeñaro yire waja juajiricõ ĩnare waja senijaro Dios. Gãjerãre tõbujaroca ĩna yire rëtoro tõbujajaro ĩna. <sup>7</sup>Iti cuto gãna jaje gajeoni cutirã ñama ĩna. Dise ruyabeto ña ĩnare. “Ujarã ña mani”, yibojama ĩna. “Ñejua tõbujamenaji mani”, yibojama ĩna. “Manũju godagoana bajiro bajirã meje ña mani. Queno ñacã mani”, yibojama ĩna. Gãjerãre tõbujaroca ĩna yiado bajiroti tõbujarã yirãji ĩna cuni. <sup>8</sup>Ito bajiri yoari mejeti ñarise ĩna tõbujaroca yigu yiguĩji Dios. Babilonia gãna coriarã ñarisenã godarã yirãji. Gãjerã ñiona godarã yirãji. Gãjerã jeana soe ecorã yirãji. Gãjerã buto bojori bujarã yirãji. Rëtoro masigũ ñari ito bajiro ĩna tõbujaroca yigu yiguĩji Dios, mani Uju. ĩna ñeñaro yirise waja iti cutore soe jeogu yiguĩji Dios, yire oca ruyucu yure, yu cãiroju.

<sup>9</sup>Iti cuto bueja ticõri, adi sita gãna ujarã buto otirã yirãji ĩna. Ito yicõri buto bojori bujarã yirãji ĩna. ĩna ñarã yirãji ĩna rãca buto ñeñaro yi wanuana. <sup>10</sup>Ĩna rãca tõbuja amomena sõjuti tujarã yirãji ĩna, itire guirã. Ado bajiro yirã yirãji ĩna:

—Aba, jaja cuto, ñabojara cuto ua godacoaju ĩja. Gaje cutori rëtoro ñasari cuto ñabojacu iti cuto. Adocãtama ruyubea ĩja. Iti cuto gãna ñeñaro ĩna yirise waja yoari mejeti godacoaju iti cuto, yirã yirãji adi sita gãna ujarã, yi ruyucuĩ Dios ñaro gagu yu cãiroju.

<sup>11</sup>Adi sita gãna gajeoni ĩsiri masa cuni iti cuto uaja ticõri, buto otirã yirãji ĩna. Ito yicõri bojori bujarã yirãji ĩna. “Ñimũ mani gajeoni ami warise boca amigũ mami”, yirona bujatomena yirãji ĩna. <sup>12</sup>Ĩna ĩsi amobojare adocõ jaje tujaro yiroja: oro gaye, plata gaye, gãta buto waja cutirise gaye, perla gaye, saya buto waja cutirise, saya gosirise, saya sũa ñirise, saya buto sũarise cuni, ito yicõri yucu queno suti quenarise gaye, marfil wame cutirisena ĩna menire gaye, yucu queno waja cutirise, come bronce wame cutirise, comena ĩna menire gaye, itocõ jaje tujaro yiroja ĩna ĩsi amobojare. <sup>13</sup>Gaje ĩna ĩsi amobojare adocõ ñaro yiroja: canela wame cutirise baja suti quenarise, bia moa, ão guje soeja suti quenarise, mirra wame cutirise, gaje suti quenarise, uye ide, uye roa bare, trigo ajeri, trigo ajeri ĩna abore cuni, ta wecua, oveja, cabarua, tunuricorori, ito yicõri ĩna josare cuni ĩsi amobojarã yirãji ĩna. Ito bajibojarocati ñimũjua ĩna ya gajeoni boca amigũ manija, bojori bujarã yirãji ĩna. <sup>14</sup>Babilonia cuto gãna ñabojanare tuoĩarã, ado bajiro yirã yirãji ĩna:

—Babilonia gāna ñabojana jeyaro gajeoni ña wanubojacati ña jedicoaju ña. Buto waja cutirise, buto seyorise ña rucobojare cuni ña jedicoaju. Ito bajiri mucana tudi goabetoja iti, yirā yirāji gajeoni ña ucuri masa.

<sup>15</sup> Ña ñarā yirāji Babilonia gāna ñabojanare gajeoni ña isicōri jairo niyeru bujana. Ito bajiri iti cuto ña ja ticōri, otirā yirāji ña. Ito yicōri bojori bujarā yirāji ña. Sōju ti rügōrā yirāji ña, ña rāca tōbujā ña momena. <sup>16</sup> Ito ti rügōcōri ado bajiro yirā yirāji ña:

—Aba, bujato baja Babilonia jaja cuto ñabojara cuto. Ito rumuju romio seyogo robo bajiro ñabojacu iti cuto. Saya quenarise ña ñagō, sūa ñirise, sūarise cuni ña ñagō robo bajiro ñabojacu iti cuto. Oro gaye, gūta waja cutirise, perla wame cutirise gajeoni cutigo robo bajiro ñabojacu iti cuto maji. <sup>17</sup> Ito bajibojarocati yoari mejeti iti cuto gaye rāca gajeoni ña godacoaju ña, yirā yirāji gajeoni ña ucuri masa.

Cuma bucua ñarā, weaturi masa, moari masa, wa ucuri masa cuni sōju tujacōri, ti jayarā yirāji ña. <sup>18</sup> Ito cuto ñare, iti bueja ticōri, ado bajiro awasārā yirāji ña:

—Iti cuto robo bajiro gaje cuto quenari cuto manicu, yi awasārā yirāji ña.

<sup>19</sup> Buto bojori bujacōri ña ya rijoga joe sita rūna jeorā yirāji ña. Ito yicōri awasā otirā yirāji ña:

—Aba, bujato baja Babilonia ñabojara cuto. Jaja cuto ñabojacu iti cuto. Mani cumari cutirā ñare gajeoni ña isicōri niyeru jaje bujabojacu mani. Yoari mejeti iti cuto ña jedicoaju, yirā yirāji cumari ñarā, yi ruyucuqū ña ángel yu cāiroju.

<sup>20</sup> Gaje ado bajiro yi ruyucuqū ña:

—Iti cuto ña ja ticōri, wanña ña umacūju ñarā ña. Mña ña oca gotitoni Cristo ña cūana, Diore goti ña isiri masa ña cuni, ito yicōri ña Dios ñarā ña rocōti wanña ña. Ito cuto gāna ña tōbujaroca yicā ña. Ito bajiri iti waja adocāta tōbujama ña cuni. ña cūto ña ruyuricuqū Dios. Ito bajiri wanña ña, yi ruyucuqū ña ángel yu cāiroju.

<sup>21</sup> Ito yija sigū ña ángel seogū ticu yu. Gūtagā jajoca ña ña mi muo rügōja ticu yu. Wāñiara gūtagācō jajoca ña ña itiga. Itigare ña micōri, riaca jajosaju cōa roaquī ña. Ito yicōri ado bajiro yiquī ña:

—Gūtagāre yu cōaro bajiroti, Babilonia cūto ña cōa roa ruyuricu yiguji Dios. Ito bajiri jaja cuto ñabojara cūto ña mucana tudi juaji timena yirāji masa. <sup>22</sup> Ito cuto gudareco arpa wame cutirise basa mucana tudi juaji ruyubeto yiroja. Seru basa, trompeta basa cuni mucana tudi juaji ruyubeto yiroja iti cuto gaye. Ito cuto moari masa ña goana mucana tudi moamena yirāji ña. Wāñiara gūta gaye ña moaja, juaji ruyubeto yiroja. <sup>23</sup> Ito cuto gaye jeobuora tuturi ñabojare tudi yobeto yiroja. Ito yicōri ña siare basa ña menija, tōyamano yiroja. Ito cuto gāna gajeoni ña isiri masa gājerā ña rōto ña ña ñabojacā. Ito cuto gāna masa jeyarore, “Mñare rojabe gña”, yi ña rocā ña, yiquī gūtagā jajoca cōa roagu, yu cāiroju.

<sup>24</sup> Ito cuto gāna Diore goti ña isiri masare ña ña ña. Ito yicōri ña ña ña cuni ña ña ña. ña ña ña, “Diore tōrūnrāre ña ña”, yiana. Ito bajiro ña ña ña rotijare buto seti ña ña ña.

**19** <sup>1</sup>Ito yija bero jājarā ūmacūju oca sēoro ĩna busija tucoc yu. Ado bajiro yi ruyucā ĩna:

Aleluya, Diore rūcubwoto mani, yi ruyucā ĩna. Dios mani Ʋju, ĩ ĩnami manire masorū. Ƴ ĩnami rētoro ñasagū, ito yicōri rētoro masigū.

<sup>2</sup>Masa ĩna ñeñaro yirise waja ĩ senija, riojo ĩna yiado bajiroti seniami ĩ. Wedi maso ñabojarore ruyurioquĩ ĩ. Adi sita gānare ĩna ñeñaro yitoni wsirioro yi codecō iso. Ito yicōri Diore moa ĩsiri masare siacō iso. Ito bajiro iso yija ticōri, iti waja isore ruyurioquĩ ĩ, yi busi ruyucā ĩna ūmacūju.

<sup>3</sup>Mucana tūdi ado bajiro busi ruyucā ĩna:

—Aleluya, Diore rūcubwoto mani, yi ruyucā ĩna. Babilonia cuto ware bueri mūja jedibeto yiroja, yi ruyucā ĩna.

<sup>4</sup>Ito bajiro ĩna yirocati wu ya cumuro Dios ĩ rujiro riojo rijomunigāna ĩnini rūjūcā veinticuatro ñarā bucūrā. Ito yicōri juariarā tīāña mana cūni ito bajiroti rijomunigāna ĩnini rūjūcā ĩna. Diore rūcubwotā ado bajiro yicā ĩna:

—Ito bajiroti ñajaro. Aleluya, Diore rūcubwoto mani, yi ruyucā ĩna.

<sup>5</sup>Ito yija bero wu ya cumuroju oca ruyucū:

Mani Ʋju Diore rūcubwoto mani. Mwa Diore moa ĩsirā ĩre rūcubwoya. Mwa ñasarā, ñasamena cūni Diore güirā rūcubwoya mwa, yi ruyucū wu ya cumuroju.

#### Oveja Macu robo bajigure ĩna basa jeore gaye

<sup>6</sup>Ito yija bero jājarā ĩna busiro robo bajiro ruyucū. Ito yicōri riacari ūmayuro robo bajiro ruyucū. Ito yicōri bujo ĩ busirise robo bajiro ruyucū. Ado bajiro ruyucū iti:

Rētoro masigū ĩnami mani Ʋju Dios. Ƴimū gāji ĩ rētoro masigū mami.

Mani Ʋju ñarocū ñacāmi ĩja. Aleluya, ĩre rūcubwoto mani ĩja.

<sup>7</sup>Oveja Macu ĩ āmo siaroti rumū ejacoaju ĩja. Ito bajiri wanucōri wanū quenato mani, ñasagū ĩ ñajare. Ƴre rūcubwoto mani. Ƴ manojo ñaroco ña yucāmo iso.

<sup>8</sup>Saya weri mani botirise iso sāñaroca yiquĩ Dios isore, yi ruyucū oca, yu cāiroju.

Iso ya saya weri mani yu tire, “Queno yirā ñama Dios ñarā”, yireoni ña iti.

<sup>9</sup>Ito yija ángel ado bajiro yure rotiquĩ:

—Mure yu gotirise ucaya: “No Oveja Macu āmo siare basa goti ecoana wanurā yirāji ĩna”, yi ucaya mū, yiquĩ ángel yure.

—Iti yu busirise, Dios oca riojo ñasarise ña iti, yiquĩ ángel yure.

<sup>10</sup>Ito ĩ yijare, ĩre rūcubwoyu ĩ riojo rijomunigāna ĩnini rūjūcū yu. Ito bajiro yu yijare ado bajiro gotiquĩ ĩ yure:

—Ito bajiro yibesa. Mure bajiroti Diore moa ĩsigū ña yu cūni. Mū rāca gāna Jesús oca riojo ñasarise tuorūnu jidicāmena bajiro bajigu ña yu

cuni. Ito bajiri yure rucubuoobesa. Diore mu rucubuoja quena, yiqui angel yure.

Oca riojo nasarise Jesus gotire iti na jane mejeju Diore goti isiri masa ina goti yure.

### Cabaru botigu joe jesagu gaye oca

<sup>11</sup>Ito yija bero umacuju iti janaja ticu yu. Iti janaroca cabaru botigu i goaja ticu yu. Sigu i joe jesaqui. Ado bajiro wame cutiqui i, "Yiro Robo Yigu, Riojo Gotigu", wame cutiqui i. Masa ina ñeñaro yirise waja i senija ina yiado bajiroti senigu ñaqui i. I wajanare ina tobujaroca i yi amoja, ina yiado bajiroti ina tobujaroca yigu ñaqui i. <sup>12</sup>I ya cajea jea ujurise robo bajiro yocu. I ya rijogaju jaje come bedori jesaqui i. I ya rioweca wame nacu. I siguti masiqui iti wamere. <sup>13</sup>Rina ñioado yutabuju sanaqui i. Dios oca goti retobugu wame, wame cutiqui i. <sup>14</sup>Umacuju gana surara i raca gana ire suyacá. Yutabuju ueri mani botirise sanaça ina. Ito yicori cabarua botira joe jesaca ina. <sup>15</sup>Rina ñioado sanagure i ya riseju sarera jai budicu, buto odiri jai. Iti jai nacu ire tuorununenare ina tobujaroca i yiroti jai. Dios i curu ñari seoro roti masigu yiguji i. Masa ina ñeñaro yirise waja senigu, sigu uye ide amogu i moa abojiro robo bajiro yigu yiguji i. Masa ina ñeñaro yirise te tecori ina tobujaroca yirocure sarera jai riseju budigure cugu yiguji Dios. Dios ñami retoro masigu. Nimujua gaji i robo masigu maquji. <sup>16</sup>I ya riseju sarera jai budigu ado bajiro wame cutiqui i. I ya yutabujure ito yicori i ya sagarocu cuni ado bajiro wame wanaqui: "Ani ñami ñari masa retoro nasagu. Ani ñami ujará ju retoro nasagu", yire wame wanaçu ire.

<sup>17</sup>Ito yija bero sigu angel umacani joe i rugoja ticu yu. Yuca umacuju wutirare ado bajiro oca seoro busi ruyucu i:

—Minijuacori, bará waya mua. Susari rucu Dios i masare sanare bará waya. <sup>18</sup>Ujará, surara ujará, umua seora, cabarua, ina joe jesarare cuni queno ina amoro narare, gajerare moa isira, nasara, nasamenare cuni ina ya rire bará yiraji mua, yi ruyucu angel yu cairoju.

<sup>19</sup>Ito yija bero guijogu suagu, adi sita ujará ina surara raca ina minijuaja ticu yu. Cabaru joe jesagu i ya surara raca gameri tarona minijuaca ina. <sup>20</sup>Guijogu suagu raca gameri tacori ire tubiaqui cabaru joe jesagujua. "Yu na Diore goti isiri masu", yibogagure cuni tubiaqui i. I ñaqui guijogu suagu tiro riojo tiyamani yicacu. Tiyamani iocori masare ruoqui i. I ruorisere tuorunucori guijogu wame wo rotica ina. Ito yicori gajiocu ruju robo bajiro ina meni rujeorure rucubuoça ina. Guijogu suagure, ito yicori, "Diore goti isiri masu na yu", yibogagure cuni ina catirocati itajura jeame ujuritaju inare coa roaqui cabaru joe jesagu. Azufre wame cutirisena buto ujucu iti jeame. <sup>21</sup>Ito yicori gajerareama cabaru joe jesagu i ya riseju sarera jai budiri jaina inare siaqui i. Ito bajiri yuca ina ya rire ina amoro bajiroti queno ba yajica ina.

### Mil ñari rodori gaye

**20** <sup>1</sup>Ito bajija bero ado bajiro bajicu gaje yu cãija. Sîgũ ángel ùmacũjuna ï ruji wadija ticu yu. Susabiti goje soje janado, ito yicõri come ma rucocõri ï ruji wadija ticu yu. <sup>2</sup>Ruji ejacõri jino robo bajigure ñiaquĩ ï. Ñiaquĩ jane mejeju jino godo wediru. Ito yicõri ïti ñaquĩ rãmúa uju Satanás wame cutigu. Jino robo bajigure ñiacõri come mana ïre siaquĩ ángel. <sup>3</sup>Susabiti gojeju ïre cõa sãquĩ ï. Itoju mil rodoricõ ïre cũquĩ ï. Masare ruobe yirocu, ito bajiro bia rojoquĩ ï. Ito yicõri, gãjerã janame yirocu, iti goje biadore wame wõquĩ ï. Mil rodori ïti jedija bero ïre bucõagũ yiguuji jabeto.

<sup>4</sup>Ito yija bero uju ya cumurori ticu yu. Masa ïna ñeñaro yirise cõiacõri waja senirona rucicã ïti cumuroriju. Iti masa cũni Dios ïnare. Ámuma jata ecoana ya usi ticu yu. Dios ocare ïna riasojare, Jesure ïna jidicãbejare ámuma jata ecoana ñacã ïna. Guijogure rucubuoana meje ñacã ïna. ï ya ruju robo bajiro meni rujeorure rucubuoana meje ñacã ïna. Ito yicõri ï wame ïna ya rioweca ïna ya ámori cuni wõ ecoana meje ñacã ïna. ïna tãdi catija ticu yu. Ito yicõri mil rodoricõ Cristo rãca roti ñacã ïna. <sup>5</sup>Ña ñacã Cristo ñarã sãa ecoana cajero tãdi catibuoana. Gãjerãma godana mil rodori ïti jediroto riojua tãdi catibiticã ïna maji. <sup>6</sup>Ña cajero mucana tãdi catiana buto wanu quenarã yirãji. Diore queno cudirã ñarã yirãji ïna. Mucana tãdi juaji godamena yirãji ïna. Jeame ùjuroju ïnare cõabicu yiguuji Dios. Paia robo bajiro Diore moa ïsirã yirãji ïna. Cristore cuni ito bajiroti yirã yirãji ïna. Ito bajiri mil rodoricõ Cristo rãca roti ñarã yirãji ïna.

### Rãmúa ujure ïna bucõare gaye

<sup>7</sup>Mil rodori ïti jedija bero rãmúa uju Satanás bucõa ecogu yiguuji. <sup>8</sup>Ïre ïna bucõaja bero masa jeyarore ruo ucugu yiguuji ï. Gog wame cutiri cuto gãnare, ito yicõri Magog wame cutiri cuto gãnare cuni ruogu yiguuji ï. ï ruorisere tuocõri minijuarã yirãji ïna, gãmeri tãrona. Jãjarã ñarã yirãji ïna. Ja sita cõãaja jedibiti robo bajiro ñarã yirãji ïna. <sup>9</sup>Masare sãrona adi sitajure batarã yirãji ïna. Dios ñarãre gãni biarã yirãji ïna. Ito yicõri cuto Dios ï mairi cutore gãni biarã yirãji ïna. Ito bajiro ïna yibojarocati ùmacũjuna ïnare jea cõagũ yiguuji Dios. Ito yicõri ñajediro soe jeocõgũ yiguuji ïnare. <sup>10</sup>Ito yija bero rãmú ïnare ruorure itajura jeame ùjuaritaju ïre cõa roagu yiguuji Dios. Azufre wame cutirisena ùjuarita ñaro yiroja itira. Itira ñaroja guijogu sãagũre, ito yicõri, “Diore goti ïsiri masu ña yu”, yibojagure Dios ï cõarada. Itoju ámua, ñami cuni tõbujatĩnarã yirãji ïna.

### Masa ïna ñeñaro yirise waja Dios ï senisusare gaye

<sup>11</sup>Ito yija bero uju ya cumuro botiri cumuro ticu yu. Ito yicõri ïti cumuroju rujigure ticu yu. Yu tiro riojo adi sita, macãrucũro cuni godacoacu. Ito yicõri tãdi joejeabiticu. <sup>12</sup>Godana Dios riojo ïna rügõja ticu yu. Ñasarã, ñasamena

cuni ñacã ñna. Ito ñna rûgõroca papera tutiri janaquĩ Dios. Iti papera tutiriju masa jeyaro ñna yigore wãñacu iti tutiriju. Ito bajiri itire ticõri godana ñna yiado bajiroti ñnare besequĩ Dios. Ito yija gaje tuti papera tuti janaquĩ Dios. “Adocõ ñama yu rãca ñatĩnarona”, yire gaye wame wãñacu iti tutiju. <sup>13</sup>Riaca jajosaju godabojana mûcana tûdi mujacoacã ñna. Ito yicõri godana sita wato ñabojana tûdi mujacoacã ñna. Ito yicõri ñna ñarocõreti ñna yiado bajiroti besequĩ Dios. <sup>14</sup>Ito yija bero masa cõcõri ñna godarise, ito yicõri godana ñna ñaroju cuni iti ñarisere âmicõri jea ñjuritaju itire cõa roaquĩ Dios. Itira jeame ñjurita ña godasarada. <sup>15</sup>“Adocõ ñama yu rãca ñatĩnarona”, yire gaye ñ ya tutiju wãñamenare besecõri ñna ñarocõreti jea ñjuritaju cõa roaquĩ Dios.

### Macãrucõro mamaro ñare gaye

**21** <sup>1</sup>Ito yija bero macãrucõro mame, sita mame iti ñaja ticu yu. Dios ñ wasoare ñari seyocu iti. Macãrucõro bucuro ñasubojacati, sita ñasubojacati cuni godacoacu ñja. Ito yicõri riaca bucuyari manicu. <sup>2</sup>Ito yija bero yu Juan, ñeju ñeñarise mani cuto mame Jerusalén wame cutiri cuto iti ruji ejaja ticu yu. Dios ñ ñaroju ruji wadicu iti cuto. Iti cuto queno quenora cuto ñacu. Romio ãmo siaroco saya sãña yucãdo robo bajiro seyori cuto ñacu iti cuto. Iti cutores queno yucãquĩ Dios, ñ ñarã ñna ñnaton. <sup>3</sup>Ito yija yu cãiroju ñmacũju oca seoro ruyucu:

—Tiya. Adocãta masa rãca ñami Dios. Masa rãca ñagũ ñ ñajare ñ ñarã ñarã yirãji ñna. Masa rãca ñacõri ñna Uju ñagũ yiguũji ñ. <sup>4</sup>Ñna ya yago idere wejacãgũ yiguũji Dios. Ito bajiri wanu quenatĩnarã yirãji ñna. Ito bajiri godamena yirãji masa ñja. Ito yicõri otimena yirãji ñna. Bojori bujamena yirãji ñna. Junirise mano yiroja ñnare. Iti ruma bajigore iti rãta jedijare ito bajiro bajirã yirãji ñna, yire oca ruyucu ñmacũju.

<sup>5</sup>Ito yija uju ya cumuro rujigu ado bajiro yi ruyucu ñ:

—Ñajediro bucũ ñabojare mame riti wasoacu yu, yi ruyucu ñ.

Ito bajiro yicõri ado bajiro gaje gotiquĩ yure:

—Mure yu gotirise ucaya. Yu mure gotirise riojo gotire ña. “Ito bajiro bajiro yiroja”, yi masigũ yiguja mu, itire tuocõri. Ito bajiri itire ucaya, yi gotiquĩ yure.

<sup>6</sup>Bero mûcana ado bajiro yiquĩ yure:

—Itocõti ña. Ñacã ñja. Yuna suoriti jeyaro ñasuojuja. Ito yicõri yuna suoriti jeyaro ñasusaro yiroja. A wame ñasuoise, ito yicõri Z wame ñasusarise robo bajiro bajigu ña yu. Yu ña ñajedirore rujeoru. No yure ide idi ãmorã ñna senija, ñmaburi goje gaye catitĩnare gaye ñnare iogu yiguja yu. Waja manoti iogu yiguja yu. <sup>7</sup>No ñna ñeñaro yirise jidicãrã ñna ñama rûmãa ujure rãtocurã. Ito bajiro ñna yijare quenarise ñnare ñsigũ yiguja yu. ñna Uju ñagũ yiguja yu. Ito yicõri yu rãaju ñarã yirãji ñna. <sup>8</sup>Gãjerã yure tuorunumenareama jea ñjuritaju azufre wame cutirisena ñjuritaju ñnare cõagũ yiguja yu. “Jesure yu cudija ticõri, yure ti tudirã yirãji gãjerã”, yi tuoña guirãre cuni jea ñjuritaju cõagũ yiguja yu. Ñeñaro yirã, siari masa, romia rãca ajeri masa, gãjerãre rojarã, ñna meni rujeore rãcuborã, ito yicõri socari

masa ñarocõreti jea ñjuritaju ñinare cõagũ yigũja ya. Itira azufre wame cutirisena ñjua itira. Itiraju ña godasarada, yiquĩ ujũ ya cumuro rujigu, ya cãiroju.

### Mama cuto Jerusalén wame cutiri cuto

<sup>9</sup>Ito yija bero ángel sīgũ wadicõri ya tũ eja rújũquĩ. Ñ ñaquĩ jua ãmojeno ñagũ masa ñna tõbujatoni ñarise tẽro rucogoru. Ado bajiro yure gotiquĩ ñ:

—Ado waya. Oveja Macu manojo ñarocore mure ñorocu ya ya, yiquĩ ángel yure.

<sup>10</sup>Yũ cãiroju Espiritu Santo yure ito bajiro ñ yija, ado bajiro rêtacu iti. Gũta yucuri curise ñmacũju yure ãmi waquĩ ángel. Ito yure ãmi ejacõri ñeñarise mani cuto, Jerusalén wame cutiri cuto yure ñoquĩ ñ. Dios ñarojũna ruji wadira cuto ñacu iti cuto. <sup>11</sup>Dios ñ yorisena busucu iti cuto. Gũta buto waja cutirise robo bajiro busucu iti cuto. Jaspe wame cutirise gũta ñoro queno ide totiaro robo bajiro busucu iti cuto. <sup>12</sup>Iti cuto tũnima ñna sabiara cunĩ ñmari cunĩ ñna gãni biacu. Iti bedo jua gũbojeno sojeri, sojeri cuticu. Co soje ruyabeto ángel sīgũ rũgõquĩ. Israel gãna jua gũbojeno buturi gãna wame wãñacu iti sojeriju. <sup>13</sup>Ñmacañi ñ joejea wadiri ñuja ñdia soje, ñ queda sãja warojuu ñdia soje, warubũjuu ñdia soje, gaje ñuja warubũjuu ñdia soje ñacu iti sojeri. <sup>14</sup>Iti cunĩ sabia rũjaraju roca jua gũbojeno gũta cũ gãni biañi ñna. Iti gũtagãrijũ Oveja Macu ñ oca goti ucutoni ñ cũana wame wãñacu.

<sup>15</sup>Ángel ya rãca busicacu cuto cõiarotigu orona ñna meniragu rucõquĩ. Sojeri cunĩ, ñna sagãni biare cunĩre cunĩ ñ cõiarotigu ñacu itigu. <sup>16</sup>Ñ cõiaja iti cuto eyarise, iti cuto ñmarise, iti cuto yoarise corocõ ñacu. ñ cõiaja dos mil doscientos kilõmetrocõ ñacu yoarise, eyarise, ñmarise cunĩ. <sup>17</sup>Ñna sabiare ángel ñ cõiaja sesenta y cinco metros ñmarise ñacu. Masa ñna cõiaro bajiroti cõiaquĩ ángel cunĩ.

<sup>18</sup>Jaspe wame cutirise gũtagãrina iti cutore sabiañi ñna. Orona iti cutore meniñi ñna. Ueri mani ñacõri ñoro ueri mano robo bajiro ruyucu iti cuto. <sup>19</sup>Ñna sabiara cunĩ roca jua gũbojeno gũta ñarisejure, gũta buto waja cutirise itigariju wãñacu. Cajero gaga jaspe wame cutirise wãñacu. Bero gaga zafiro wame cutirise wãñacu. Bero gaga ágata wame cutirise wãñacu. Bero gaga esmeralda wame cutirise wãñacu. <sup>20</sup>Bero gaga ónice wame cutirise wãñacu. Bero gaga cornalina wame cutirise wãñacu. Bero gaga crisólito wame cutirise wãñacu. Bero gaga berilo wame cutirise wãñacu. Bero gaga topacio wame cutirise wãñacu. Bero gaga crisoprasa wame cutirise wãñacu. Bero gaga jacinto wame cutirise wãñacu. Susarica jua gũbojeno ñarica amatista wame cutirise wãñacu. <sup>21</sup>Jua gũbojeno sojeri perla wame cutirisena meniñi ñna. Co soje ruyabeto coga perlanati iti sojerire meniñi ñna. Iti cuto gũdareco ñasarima ñna menira ma orona meniñi ñna. ñoro ide totiaro robo bajiro ruyucu iti.

<sup>22</sup>Dios ya wi ti bujabiticu ya iti cutore. Coju ruyabeto mani Uju Diore rucubucã masa. Rẽtoro masigũ ñ ñajare coju ruyabeto ñre rucubucã ñna. Oveja Macure cunĩ ito bajiroti rucubucã masa. Ito bajiri coju ruyabeto ñnare



rũcũbuorã ñari ñna rũcũbuoroti wire menibisĩ ñna. <sup>23</sup> Ñmacañi ñ asirise, ñami gagu ñ busurise cuni ñmobeia iti cuto. Dios ñ yorisenati busua iti cuto. Ito yicõri Oveja Macu ñ yorisenati busua iti cuto. Ito bajiri ñmacañi ñ asirise, ñami gagu ñ busurise cuni ñmobeia iti cuto. <sup>24</sup> Dios ñ masoana ñ busurisenati iti cutoju wa ucurã yirãji ñna. Adi sita gãna ñjarã ñna rucorise ñasarise ñami wadicõri Diore ñsirã yirãji ñna ñre rũcũbuorã. <sup>25</sup> Ñmua soje biaya mano yiroja iti cutoju. Ito cutoju ñami mano yiroja. Ito bajiri biaya mano yiroja iti cuto. <sup>26</sup> Co sita gãna ruyabeto ñna rucorise ñasarise ñami wadicõri Diore ñsirã yirãji ñna ñre rũcũbuorã. <sup>27</sup> Ñeñarise rãca sãjamena yirãji iti cuto. Ñeñaro yirã, ruore oca gotirã cuni sãjamena yirãji iti cuto. Oveja Macu ñ ya papera tutiju wame wãnarã riti sãjarã yirãji iti cuto. Ito papera tuti, “Adocõ ñama yu rãca ñatĩñaronã”, yire papera wãnacũ iti tutiju.

**22** <sup>1</sup> Ito yija ángel riaca ñeri maniña ñoquĩ yũre. Itiya ide catitĩñare gaye ñacũ. Ide ruyurisa ñacũ itiya. Ñju ya cumuro Dios ñ rujiri cumuroju, ito yicõri Oveja Macu ñ rujiri cumuroju jode cuticũ itiya riaca. <sup>2</sup> Ito cuto gudareco ñari ma gudarecore ñacũ itiya riaca. Riaca juã ñaja tunima catitĩñare gaye rica cutiri yucuri ñacũ. Sigũ ñmacañi ruyabeto rica cutisoticũ iti yucuri. Ito bajiri co rodo juã gũbojnojiri rica cuticũ iti yucuri. Ito jũrina masa ñna ñco yiroti ñacũ. <sup>3</sup> Itoju ñeñarise manoja. Ito cutoju ñju ya cumuro Dios ñ rujiri cumuro ñaroja. Ito yicõri Oveja Macu ya cumuro cuni ñaroja. Ñnare moa ñsiri masa ñnare rũcũbuotĩñasotirã yirãji. Itoju ñeñarise manoja. <sup>4</sup> Diore ti canamũorã yirãji ñna. Ito yicõri Dios wame ñna ya rioweca wãñaro yiroja ñnare. <sup>5</sup> Itoju ñami mano yiroja. Ito cuto ñarã siabusuore gaye ñmomena yirãji. Mani Ñju Dios ñ yorisena busu ñaro yiroja iti cuto. Ito bajiri ñmacañi asirise ñmomena yirãji ñna. Ito yicõri Dios rãca rotitĩñarã yirãji ñna.

### Jesucristo ñ ejaroto yoabea ñja, yire gaye

<sup>6</sup> Ito yija bero ado bajiro gotiquĩ ángel yũre:

—Jeyaro mu cãiroju mu tigure, mu tuogore cuni riti ña. Ito bajiri, “Riti bajiro yiroja iti”, mu yi masija quena. Mani Ñju Dios ñ ñami ñre goti ñsiri masare ñna busi masiroca yigu. Ñti ñami yũre cõaru. “Ado bajiro rãtarã yiroja”, ñre moa ñsiri masa ñna yi masitoni, yũre cõaquĩ Dios, yiquĩ ángel yu cãiroju.

<sup>7</sup> Gaje ado bajiro gotiquĩ ángel yũre:

—Tuoya, ado bajiro gotiami Jesús: “Yoari mejeti tũdi ejaqu yigũja yu”, yi gotiami Jesús. Ito bajiri, no adi papera tuti Dios ñ ucare tuorũnrã wanũ quenarã yirãji ñna, yiquĩ ángel yũre.

<sup>8</sup> Yu Juan itire ticõri, itire tuocõri yu ucare ña. Itire ticõri, itire tuocõri ángel yũre ñocacũ riojo rijomunigãna ñini rũjucũ yu. <sup>9</sup> Ito bajiro yu yijare, ado bajiro yiquĩ ñ yũre:

—Yibesa itire. Mu robo bajiroti Diore moa ñsigũ ña yu cuni. Mu ñarã Dios ocare goti rãtoburã, ito yicõri no adi papera tuti ucare tuorũnrã robo bajiguti ña yu cuni. Ito bajiri yũre rũcũbuobesa. Diojuare mu rũcũbuoja quena, yiquĩ ángel yũre.

<sup>10</sup> Gaje ado bajiro yũre gotiquĩ ñ:

—Iti papera tutijũ, ija rētaroti gaye ucare ña. Dios oca ña iti. Yoari mejeti iti gaye rētaro yiroja. Ito bajiri iti ocare yeyo rucobesa. <sup>11</sup>Ñeñarise yisotirāma ñeñarise ti yi ñacōajaro ñama. Ñeñaro tuoīarā ña tuoīaro bajiro ti tuoīa ñacōajaro ña. Queno yirāma queno yi ñacōajaro. Ito yicōri Diore tuorūnũrā cūni Diore riti tuorūnũñajaro. Ire ña tuorūnũ ñacōaja quena, yiquĩ ángel yũre.

<sup>12</sup>—Твоya, ado bajiro gotiami Jesús: “Riti gotia yũ, yoari mejeti tũdi ejagũ yigũja yũ. Tũdi ejacōri masa ña yiado bajiro ti ñare waja yicũja yũ. <sup>13</sup>Yũ ña ñasuoꝑũ, ito yicōri ñasusagũ. Yũna suoriti jeyaro ñasuoꝑija. Ito yicōri yũna suoriti jeyaro ñasusaro yiroja. A wame ñasuoꝑise, ito yicōri Z wame ñasusarise robo bajigũ ña yũ”, yi gotiami Jesús, yiquĩ ángel yũre.

<sup>14</sup>“No ña ñeñaro yirisere coe rotigoana yutabuju ũeri mano robo bajiro bajirā ñama ña. Ña riti iti cuto sojere sǎjarā yirāji ña. Itojũ ejacōri yucũ catitĩñare rica barā yirāji ña. Ito bajiri wanũrā yirāji ña. <sup>15</sup>Adocō jǎjarā ñama iti cutores sǎjado mana. Diore jidicāna, gǎjerāre rojarā, romia rāca aje ñarā, sīari masa, ña meni rujeoanare rucũbuorā, ito yicōri ruosotirā cūni ña ñama iti cutores sǎjado mana”, yi gotiami Jesús, yiquĩ ángel yũre.

<sup>16</sup>Gaje Jesús gotirise gotigũ, ado bajiro gotiquĩ ángel:

—“Yũre tuorūnũrāre iti oca i gotitoni ángel cōacũ yũ. David ũjũ ñayorũre rujeorũ ña yũ. Ito bajibojarocati i janerābatia janamiti ña yũ. Busuri ñocōagā bũto yogũ iti ña yũ”, yi gotiami Jesús, yiquĩ ángel yũre.

<sup>17</sup>Espiritu Santo, ito yicōri Oveja Macũ manojõ cūni coro bajiro ti busiama ña:

—Mucana tũdi waya, yama ña Jesure.

No itire tuo bujarāti, ña bajiro ti:

—Tũdi waya, yija quena Jesure.

No ide catitĩñare gaye idi āmorā, Dios tũ idirā waya. Waja manoti muare iogũ yiguĩji i.

<sup>18</sup>No adi papera tuti Dios ocare tirāre ado bajiro muare goti quenoa yũ: No adi papera tutire uca remogũre adi tuti iti gotiro bajiro ti ñeñaro i tōbũjaroca yigũ yiguĩji Dios iocũre. <sup>19</sup>No adi papera tuti Dios ocare ña jidicāja, ito bajiro ti ñare cūni jidicāgũ yiguĩji Dios. Ito bajiri i ya papera tutijũ ña wame ruyubeto yiroja. Ito yicōri i ya cuto ñeñarise mani cuto sǎja rotibicũ yiguĩji i ñare. Ito bajiri yucũ catitĩñare rica adi tutijũ yũ uca wõre gaye bamena yirāji ña.

<sup>20</sup>Adi gaye yũre goti rētabugũ ado bajiro gotiami yũre:

—Yoari mejeti wadicũja yũ, yami i.

—Ito bajiro ti āmoa yũ cūni. Yoari mejeti tũdi wadiya yũ ũjũ mũ, ya yũ Jesure.

<sup>21</sup>Mani ũjũ Jesucristo mani jeyarore queno yijaro. Itocō ña.